

Lukha

¹ Vingi vitangile ukhuvikho vunonu amamenyu (simulizi) amamenyu galo ugukavombikhe kati yunyo, ² Nduvuvatupile ufwe, yufwe ukhuhuma khuvutengulilo twalolile na miho gito na vavombi va limenyu. ³ Pwu nayune, vwu nilolile vunonu uvutengulilo wa mbombo inchi nchoni ukuhuma khuvute ngulilo - nikwene lunonu kulyune ukhukhwandikila vunonu mhesimiwa fincho Theofilo. ⁴ Inave vwinogwa ulumanye uvwa yihwe li vwa mbombo iyumanyile. ⁵ Mfigono fya Herode, umbaha va Yuta, ali pwa ukuhani yumo ale vi Sakhaliya, va khikolo kya Abiya. UU dala ahumile khyu kuvana va Haruni, ni litavwa lya mwene ale vi Elizabeti. ⁶ Voni vale va yilweli kuvulongolo kwa Nguluve; valikugenda khisita lunoninoni mu ndagilo nchoni ncha Nguluve. ⁷ Khange savakhale nu mwana, ulwa khuva u sabati ale gumba, khange voni vala vagogolo fincho. ⁸ Pwu lino yikhahumila ukhuva u sakhaliya ale va Nguluve, vwivomba imbombo ya vukuhani msamu ya mwene. ⁹ Ukhukongana nu lwiho ulwa khuhala vi kuhani alikhu uvi ya khave ivomba, vahalaga ni kura ukhwingile mntembile ya Nguluve nu ukhufukhutila uvumba. ¹⁰ Ikipuga kyoni kya vanu lili kudova khunji unsikhi gwa kufukhutila uvumba. ¹¹ Pwu usungwa va Nguluve akha ngumila nu khoima khunelyo khwu

nekhelo ya khufukhutila. ¹² Usakhelia akha dwada vu ambene uvudwanchi vukhagwila. ¹³ Pwu unsugwa akhambula akhata ulekhe ukhudwada, “Sakhaliya, ulwakhuva uludovo lwakho lupulikhikhe. UU ndala vakho uelisabeti ikhukhuholela umwana. Elifavwa lya mwene vukhumwilanya Yohana. ¹⁴ Vwiva nu luhekhelo nu khukimagila, khenye vingi vikhv khuhovokhele ukhu holiwa khumwene ¹⁵ is ulwakhuva iva mbahahi pavulongolo pamiho ga mmbaha. Sakhanywinchage idivai na ikivinywa ikhikali, khangе iva adigile nu mepo umbanche, ukhuma mwitumbu mwa mamaye. ¹⁶ Na vanu vingi va mu Israeli vi vipindukha kwa nkuludeva Unguluve va vene. ¹⁷ Ihitage khuvulongolo khumiho ga Ntwa nu mepo na makha ga Eliya. Ayivomba evo ukhukilivula inumbula ya baba kwu vana, uvu savidwa yavitota nu luhala lwa avalinu vwa yihweli. Ayimba wvo ukhuvika kwa Ntwa avanu uvu vavikhwe khu nongwa ya mwene.” ¹⁸ Sakhalia akambula usungwa, “Nikulumanyandakhekhe ukhulu manya eeli? Ulwakhuva une niligogolo na yu ndala vanga ingakha gya mwene givile mingi fincho.” ¹⁹ Usung'wa akhambula akhata, “Une nene gabileli, uvikhwima pamiho ga Nguluve nikhasuhiwe kukhumbula, ukhukhugegela inongwa iyi inonu. ²⁰ Ulolage, sayawilola, vwivamye, sukhanchove mpaka isikhu yila yakhave yihumila. Yehumile ulwakhuva amamenyu ganyo yagihumila khunsikhi unonu.” ²¹ Pwu lino avanu vali khugulila u Sakhalia. Walikudega ukhuta unsikhi gwoni ale

mtembile. ²² Vwu ahumile khunji alikhulemwa ukhunchova na vene. Vakhalumanya ukhuta upile amagono fivi vwali mtembile, alikhupi vonesya mufihwano akhanchiga mye. ²³ Yukhahumela ukhuta amanchuva ga vuvombi vwa mwene vuvusilile akhahega ukhuvuya khumiave. ²⁴ Usakheliya vu avuyile khumiave ukhuhuma khuvuvombi wa mwene mu tembile, uu dala va mwene va akhava nu luleme. Navope sakhahuma mu nyumba ya mwene khu mienchi gihano akhata, ²⁵ “Ili lyu utwa avombile khulione upwa khandolile kwu vupendelelo ahenche isoni khuliune khangе pamiho ga vanu.” ²⁶ Pwu lino umwenchi ugwa ntunato gwa mimba gya Elisabeti, Unguluve akhambula unsung’wa Gabieli ukhuhila ikhilunga khya Mgalilaya khu khwilangiwa Nasaleti, ²⁷ Khu ng’inja uvyalondwe nu gosi uvi ikhwilangiwa vi Yusufu. Umwene ale va khivumbu kho kya Ndaveli, khangе ilifavwa lya g’inja uyu ale vi Ihaliya. ²⁸ Akhinja khumwene nukhuta, “Nikukhuponia, uveve vyu pokhile uluhungu uluvaha! Untwa ahovwikhe nuve.” ²⁹ Limo amamenyu ga Nsungwa ga nja nchiche nu khusifa ukhulumanya khekhi unusungwa akhatile nikhu khupoia (salaam) ukhuu nchakhudege khu mwene. ³⁰ Unsongwa akhambula, “Ulekhe ukhu dwadwa, Maliya, ulwakhuva vwupilile uhehungu ukhuhuma khwa Nguluve. ³¹ Khangе lola, vwigega uheleme mulitumbu lyakho vwihola umwana. Nayuve yavukhumwilaga ilitavwa lyamwene vi 'Yisu.’ ³² Iva mmbaha ikwilangiwaga

mwa ve khukhanya fincho. Utwa Unguluve ikhumpa ikhigoda ikhinyahwangulo ikya Ndaveli ubaha va mwene. ³³ Ayilongoncha pa kyanya pa kwumbu kho kya Yakhobo myakha gyoni nu ludeva lwa mwene lwiva luchila vumalilo. ³⁴ Umaliya akhambula unsung'wa, ili lihumela ndekhekhi ulwakhuva sanegele nigone nu ng'osi uvi ave, nchaga? ³⁵ Usung'wa akhamwanda nu khumbula, "Umepo umbalancho ikhwo khwinchela paliyuve pwu lina umbalanche uviyakhave iholiwa ayikhwi langivwa mwane va va Nguluve. ³⁶ Pwu lola, uhekhulolwakho u Elisabeti alinuleme lwa mwana khu vutamo wa vugogolo vwa mwene. Ugu mwenchigwa sita khumwene, uvivalikhu ihwilanya igomba. ³⁷ Uhwakhuva lisikhuli ilyo likhunta Unguluve." ³⁸ Umaliya akhala, "Lola une nili mbombi va khidala va Nguluve. Ilakhe lwe yive vule vule khulione nduvo ilimenyu lyakho." Pwu unsung'wa akhandekha. ³⁹ Pwu pafigono ifyo Umaliya akhahega khimbivi mbivi akhaluta khukhelunga khya twamba, khu jini gwa khilonga ya Yuta. ⁴⁰ Khaluta mnyumba ya Sakhaliya nu khumponia Uelisabeti. ⁴¹ Pyu yikhahumila ukhuta Usabeti avile apolikhe uheponio mwene akhanchumba, nu Sabeti akhadiga umepo umbalanche. ⁴² Akhatoncha ilimenyu lya mwene nu khunchova khulinyu ili vaha, "Usayivwe uve mumbadala, nu mwana uvyalimwitumbu lyakho asayivwe. ⁴³ Khange yiva ndakhikhi kyulune ukhuva, mama va Nkuludeva vango ukhuta inche khulione? ⁴⁴ Ulwakhuva, likhavile

lipulikhikhemu mbulukhutu nchango ilimenyu
lya khuponia uve umwana mwandileme lyango
akhanchumbo nu hehovokho. ⁴⁵ Khange
asayivwage dala uvi alikwidikha ukhuta vukhala
vuhumila khuvumalilo vwa Nkhuludeva.”
⁴⁶ Mariamu akasema, nafsi yangu inamsifu
Bwana, ⁴⁷ Nu mepo yango yihovwikhile mwa
Nguluve umpokhi vango. ⁴⁸ Uhwa khuva
alolile pasi pa mbombi va mwene udala.
Lola, ukhuhuma lino ifipepo fyoni fikhunyi
langaga insayiwa. ⁴⁹ Ulwa khuva umwene
ummanyi avombile imbombo imbaha khuliune,
khulitavwa lya mwene ilivalenche. ⁵⁰ Uluhungu
lwa mwene lutama khipaponi khipato khuvala
avikhudwada umwene. ⁵¹ Avonisye amakha kwu
khwa khivokho kya mwene; avahaselihimie
vala ava likwiginie pa masago ga numbula
yu vene. ⁵² Avisinche pasi avana va vavaha
ukhuhuma kwu fitamilo fya vene ifinya
hvangulo nu khuvavikha kwu khyanya
uvavale va pasi. ⁵³ Alikuvigusya avalininjala
kwu finu ifinonu, pwu atayili avaswimile
mavakho gene. ⁵⁴ Ahuminche uvutangile kwa
Israeli umbombi va mwene, ukhukumbu kha
ukhuvonesya uhihungu lwa mwene ⁵⁵ (Nduvu
anchovile kwa dada yetu) khwa Abrahamu
ni khipapo kya mwene milele.” ⁵⁶ Umaliya
akhatama nu Elisabeti iminchi gidatu ndee pwa
khavuya kwu nyumba ya mwene. ⁵⁷ Pwu lino
unsikhi gukhavile guhege lile ugwa Elisabeti
ukhuhola umwana udimi. ⁵⁸ Awambunchege na
vahukhulolwe vakhapu likha umwu unkuludeva
vwa kunchinche uluhunge hwa mwene, pwu

vakahovokha paninie nu mwene. ⁵⁹ Pwu yikhahumila ikhigono ikya nane ukhuta vali kwinda kwigida umwana. Yikhenong'ikwa ukhumwilanga ilitavwa lya mwene, "Zekaria," Ukhuva liyavwa lya dada va mwene, ⁶⁰ Pwa mama va mwene akhamula akhata, "Ate; ikwilangiwa Yohana." ⁶¹ Vakhambula, asikhuli nu via liyumo mukikolo kyako uviikwila ngiwa nilitawa ili." ⁶² Vakhambombela ikhimanyilo udadaye ukhumbula umwene ukhuta alikhunongwa ampe ilitavwa iliveni. ⁶³ Udadaye alikhunongwa ikbavo kya kwandika, pwu akhandikha, "Ilitavwa lya mwene vi Yohana." Voni valikhudegu pa ili. ⁶⁴ Unsikhi ndugu undomo kwa mwene gulichadinduliwa nu lulimi lwa mwene lulikukyega. Alikhunchova nu khuginia u Nguluve. ⁶⁵ Uwudwanchi vukhevinchele voni uvuvatamaga paninie nevene. Imbimbo nchikhagenda ikhulunga kyoni ikya fyamba fya Yuta. ⁶⁶ Pwu voni uvuvapulikke vakha gavika munumbula ncha vene vita, "Umwana uyu viva ndekhekhi nela khekhi?" Ulwakhuva ikhivokho kya Nkuludeva khi khale nu mwene. ⁶⁷ Udadaye va Sakhaliya adigile umepo umbalanche nu khuhumya uvunyamalago, akhata, ⁶⁸ "Aginivwage Unkuludeva, Unguluve va Israeli, ulwakhuva atangile nu khuvombela uvapokhi vwa vanu va mwene. ⁶⁹ Atwimikile ulusuga lwa vupokhi mnyumba ya mbombi va mwene Undaveti, ukuhuhuma mkhikolo kya mbombi va mwene Undaveti, ⁷⁰ Nduvu anchovvile kwu ndomo gwa va nyamalago va mwene uvulalepwo

imisi khi ikya khatele. ⁷¹ Ikhutupokha khuvavivi vito nu khumyammavoko ga voni avikhutuvipila. ⁷² Ayivomba evwo ukhuvonesya ikisa khuva dada vito, nu khumbukha uhwidihano lwa mwene uluvalanche, ⁷³ Ulwidiko ulwu anchovile kwa Abrahamu udada vito. ⁷⁴ Akhidiga ukhugangancha ukhuta yiwesekhano ukhumbombela U Nguluve khesita vudwanchi, vwu tupokiwe ukhuma mumavokho ga vavivi veto. ⁷⁵ Mu vuvalanche nu vwa yehweli mbolongolo mmwene ifigono fyeto fyoni. ⁷⁶ Ena, na yuve mwana, vwikhwala ngivwa nyamalago va uvali khu kyanya fincho, ulwakhuva ayigendelaga mmbolongolo mwa Nkuludeva ukhuvavikhila injila, ukhuvavikha avanu ukhumulu pilila, umwene, ⁷⁷ Ukhuvavula avanu ukhuta ya vipokhi vwa kwu njila ya khusyikheliwa imbivinha vene. ⁷⁸ Ili yalihumila ulwakhuva khisa kya Nguluve vito, ulwakhuva ilinehuva ukhuhuma khukhenya likhutinchela ⁷⁹ ukhuvala khuvala avitama mhisi na mnu mwafuli gwa vufwe ayivombavo ugalongoncha amalunde gitu kwu njila ya lunonchehencho.” ⁸⁰ Pwu, mwana ula akhavula nu khuva na makha mumepo pwa akatama mchagalawe mpakha ihincho lya khuhumila umwene khu Israeli.

Sura 2

¹ Pwu ifigono ifyo, yikhahumila ukhuta Ukaisari Agosto akhahumya ululagilo lwa aliku-vavula ukhuta yitowwe mbalilo ya vanu voni avitama nkilunga. ² Iyi yale mbalilo ya kwanda

vyuyavombiwe imisikhi gya kvenio vu imbaha va Siria. ³ Pwu kila munu uviavinchaga akhaluta khukhilunga kya mwene kusimba mbalilo. ⁴ Nu Yusufu akhaga novope mkhilungwe kya Nasaleti ya Mgalilaya pwu ali khugenda mkhilunga kya mbetelehemu, kya manyikhikhe ukhuta khilunga kya Ndaveti, ulwakhuva ahumile mu khikholo kya Ndaveli. ⁵ Akhalufa ukhwa khukhisimba paninie nu Maliya, uvi uyu ali ng'ija va mwene khangе alikhwihuvila umwana. ⁶ Pwu yikhahumila ukhuta, vuvalyukhu unsikhi gwa mwene gwa khuhola umwana gukhe fikhe. ⁷ Akhifungula umwana undemi, ung'oliwa va mwene uva khwanja, akhamfwalincha imienda yilekha ukhwingila imepu umwana pwa akhambikha mlitenchi ilya khulela ifikonu, ulwakhuva yikhasikuli inyumba ya vugenji. ⁸ Pwu apene apo, valepo avademi vali khutama khufyalo valikudema ifipuga fya Ng'osi ncha vene pakhilo. ⁹ Gafla, usungwa va Nkuludeva akhavahumila, nu lumuli lwa Nkuludeva lukhamulikha ukhuvanchungula, pwu vakhava nu vudwanchi fincho. ¹⁰ Pwu usung'wa akhavavula, mlekhe ukhudwada, ulwakhuva ni khuvagegela inongwa imonu iyuyigega uluhekhelo uluvaha khivanu voni. ¹¹ Ilelo umpokhi aholiwe khuliumwe mkhilunga kya Daveli! Umwene vi Nkristi Unkuludeva! ¹² Ikhi khyu khimanyilo ni khuvapa, mkumbona umwana apinyiwe imyanda igona mkhitanchi kya khulisihincha ifikanu.” ¹³⁻¹⁴ Gafla khkha na avasikhali vingi ilya khukhyanya likhalungana nane usung'wa uywa valikunginia Unguluve, valinkuta, “Uvu-

valanche vwa Unguluve uvyahikhu khyanya fincho nu hinonchehencho luvu Nkilunga kuvoni uvu onongwa.”¹⁵ Pwu yikheva Avasungwa avile vahegile ukhuluta khukhyanya, avademi vakhincho fanji vako, “Tuvukhe lino kwu Betelehemu, tu khalole ikhinu ikhi ikhihumile, ambacho Bwana ametufahamisha.”¹⁶ Vagaha khimbivi mbivi ukhu vakhembona Umaliya nu Yusufu, pwu vakha mbona nu mwana igona mu khetenchi kya fiko.¹⁷ Vavila valolile evwo vakhavavula avanu ikyu vavuliwe khu mwana.¹⁸ Voni avapulike inongwa iyi valikudega ikhichovivwe ni vademi.¹⁹ Pwu Umaliya alikupisaga khugoni ugwo apulikhe, akhagavikha munumbula ya mwene.²⁰ Avademi vakhavuya nu khuginia Unguluve kwu fyoni ifyu vapulikhe nu khulola, nduvu vwu lilikhuchovivwa khuvone.²¹ Kyavilekhefikhe ikhigono ikya nene gwale gunsikhi gwa ukhukeketa umwana, vakhamwilanga ilitavwa lya mwene vi Yisu, ilitavwa ilyu ampile unsung'wa vusahifikhe uvuchitu mwitumbu.²² Inchavene inchilikulunchiwa uvuvalanche vu chilutile, ukhukongana ni ndagilo cha Mose, u Yusufu nu Maliya vukhangilikha khutembile khukhumbikha kuvulongolo kwa Nkuludeva.²³ Nduvu yisimbiwe mndagilo cha nuludeva, “Khila ngosi uvi idindula ilitumbu ikhwilangiwa uvinchumichiwe nekhelo kwu kuludeva.”²⁴ Na vope valikhwicha kwihumya inekhelo ukhukongana ni kyu khicho vivwa mu ndagila vha Nkuludeva, “Injiva au ifyana fya Njiva.”²⁵ Lola, pale nu munu mu Yelusalemu ailangivwaga

vi Simeoni, umunu uyu ali nu wayilweli munu va Nguluve. Umwene alikupu likhila uvakuchesya mu Israeli, nu mepo umbalawe ale khumwene. ²⁶ Yikhadenduliwe khumwene ukhugendela kwa mepo umbalache ukhuta umwene sakhale ifwa vwu sambwene Ukristi va Nkuludeva. ²⁷ Ikhigono ikhinge akhicha mgati mtembile, akhalongochiwa nu mepu umbalache upwu avahonchi vakhandata umwana, Yesu, ukhumbombela gala aginogiwa ukhukongana ni ndagilo, ²⁸ pwu Simoni akhamwupilila mmavoko ga mwene, akhaginia Unguluve nu khuta, ²⁹ “Lino ing'eche umbonbi vakho alutage nu lunochehecho lwa Ntwa, ukhuvongano ni limenyu lyako. ³⁰ Ukhwakhuva miho gango gavuwene uvupokhi vwakho, ³¹ uvwo vuvonikhe pamiho gavanu voni. ³² Umwene ve humhli kuluvonekhelo khufihunga nu vuvvalache vwa vane va Israeli.” ³³ Udada ni mama va mwana vulikudeva imbombo ichilikhuchovi vwa kwu mwene. ³⁴⁻³⁵ Pwu Usimoni akhavasaya akhatakhwa Maliya umamaye, “Pulihicha vunonu umwana uyu yiva nongwa ya khuyancha nu khupokha kwu vanu vingi mu OIsraeli khange khimanyilo ikhyu ikhi avanu vingi ya vi becha. Khange panga iyu yikave yi nyanya inyivonelo chakho yuve, yive amasago ga numbula ya vingi yivonesye.” ³⁶ Unyamalago udala uvialikwilanyiwa Ana nevopo alemwo mtembile. Umwene ale mwana va Fanueli ukhuhuma mkhivumbu kho kya asheri. Ale ni figono fingi ficho. Navope alikhutama nu gosi va mwene imiaka saba vuvatoline, ³⁷ pwu akha

ijane imiakha themanini na minne. Navope sagala ahage mtembile alikhugendelela ukhudova Unguluve nu khudova, pakhilo na pamusi. ³⁸ Khunsikhu ug'wa akhicha pala upwu valipwo akhatengula ukhundimya Unguluve. Alikhuchova inongwa cha mwana kwu munu nu munu uviavechaga uvialikhugulila uvupokhi vwa Yerusalemu. ³⁹ Vuvamalile kila khila khinu ikhyu khinogiwa ukhuvomba ukhukongana ni ndagilo cha Nkuludeva, vakhakhivokha kwu Galilaya, kwu khilunga kya vene, Nazareti. ⁴⁰ Umwana akhekula, akhava na makha, alikhukula nu luhala, nu luhunga lwa Nguluve lukhava khumwene. ⁴¹ Avahochi va mwene gunafike umwakha valikhula khu Yerusalemu kwu sikhukhuu ya Pasaka. ⁴² Avile iva ni miakha kumiho miwili, vakhaluta khangе khu nsikhi gwa nyiho kwu sikhukhuu. ⁴³ Vu vasigile isikhu choni kwu sikhukhuu, vakhatengula ukhuvuya khumiavo, pwu uдеми u Yisu akha sigala khusana Myerusalemu khangе avahochi savakhalumanya. ⁴⁴ Valikhuta pwale alimlipuga ilivali kugendania, pwu vakhagenda ficho ulugendo lwa sikhu. Pwu vakhatengula ukhuhunela muvalukhulo lwavo, mvamanyani. ⁴⁵ Vavile valemwile ukhumbona, vakhaki lwukha kwu Yerusalemu pwu vakhatengula ukhundanda umwa. ⁴⁶ Yikhahumila ukhuta vuchifikhe isikhu itetu, vakhambona Mtembile, achige atamila pagati pa vamanyaisi, ikhuvapulihiche nu kuvavucha. ⁴⁷ Voni uvuva mpulihiche valikhudega nu luhala lwa mwene ni nyandilo che mwene. ⁴⁸ Vuvile vumbwene,

valikudega. Uvanina akhambula, “Manango, khekhiutuvombile evwo? Pulihicha udada vakha nayune tulikhukhulonda nu vudwachi vuvaha.”⁴⁹ Akhavanda, “Khekhi mlikhondonda? Samukhalumanye ukhuta une nive kwu nyumba ya Dada vango?”⁵⁰ Pope savakhalumanya inogwa ukhuta khekhi mmanyu aga.⁵¹ Pu akhahaga paninie na vene, ukhu fikha khumyavoyo kwu Nazareti khangale mwidihichi khuvene. Uvanina akhavikha aga munumbula ya mwene.⁵² Pwu Yisu alikhula nu luhala na kutoga, nu khuganiwa nu Nguluve na vanu.

Sura ya 3

¹ Lino umwakha gwa kumi na tano ugwa nkilunga kesari Tiberia, imisikhi Pontio Pilati ale gavana va va yuta, Uherode alimbaha va nkoa gwa Galilaya, nu Filipo ulukololwe ale imbaha va unkoa gwa Iturea na kwu Trakoniti, na Lisania ale mmbaha va nkoa gwa Abilene,² nu nsikhi gwa kuhani umbaha u Anasi nu Kayafa, ilimenyu lya Nguluve likha mwichela u Yohana umwana va Sakhaliya, khulunalawe.³ Agendile unkoa gwoni ukhuchungula Inyanja Yolidani, alikhulumbilila ulwocho lwa khupela ulusyiekhilo lwa mbivi⁴ Nduvu yisimbiwe amemenyu mwa myamalago u Isaya, “Elimenyu lya munu uviilela mundunyikha, “Mnochage Injila ya Nkuludeva, Mnochage umwigendela umwene yigolokhage.⁵ Amaguli goni gisyeliwa, ifyamba nu twamba finovhiwa, imisewe ugubendile gigolokha, ninjila imbivi chigolokha.⁶ Avanu voni yavikhovovona uvupokhi vwa Nguluve.”

7 Pwo, Yohana akhavavula anyaulundamano uhivaha lwa vanu uvuvagendile lekhe vochiwe nu mwene, “Umwe mwi khipapo kya njokha muvele ni sumu veni uviavavolile ukhunjila uvuhigi uvuyakhave vukhwicha?” 8 Holaga Isekhe khikongana nu lukhuto pwo mlekhe ukhuchova mgati nayomwe, “Tulinu Ibrakimu vi dada veto; ulwakuva ni khuvavula ukhuta Unguluve, iwesya ukhuhalila u Ibrahimu avana ndagave mawe aga. 9 Lino isokha yivikhivwe pa malela ga mmbikhi pwu lino umbikhi gwu gwoni ugusagwihola isekhe inonu, gugidiwa nu khutaga mmwoto. 10 Pwu avanu palulundamano vakha mbucha vakhata,” Pwu yinogwa tughendakhikhi?” 11 Akhavanda akhata, “Umunu unyalini khanzu ivili ahumye yimo ampe uyunge uvialivuvule ficho ingave alini khyalya agahe evwo.” 12 Pwu avange avasonga songa vakhicho khwukwochiwa, pwu vakhembula, “Immanyiai, Tunongivwa tugale ndakhekhi? 13 Akhavavula, “Mlekhe ukhutola indalana nyingi ficho icho sayinogiwa ukhutola.” 14 Avange avasikhali navope vakha mbucha, “Na yufwe? Tulondiwa tugahe ndakhe khi?” Akhavavula mlekhe ukhutola khumunu uvi avechaga khumakha khangе mlekhe ukisile khumunu uvi avechaga kuvudesi, mkelage ni misahala gyimyo.” 15 Pwu lino ulwakhuva avanu vukhale nuvunogwqe vwa khugula u Kristi uviye khave ikwicha, khila akhava isaga munumbula ya mwene ukhuta u Yohana pange iva vi Kristi. 16 UYohana akhanda akhavavula voni, “Une nikhuvocha umwe na magasi, pwu kwali umpamato ayikwicha uvi

alinamakha khulina, khage saninogile ukhuvupola imilegeha gya fikato fya mwene ikwu vocha umwe nu mepo umbalache nu mwoto. ¹⁷ Uluhelo lwa mwene lulimmavokho ga mwene ukhonocho vunonu uwanda vwa mwene nu ukhupetela mgano nu khulundamania nkibana kya mwene. Pwu, ayinyunyania amapunji nu mwoto ugwu sagichima. ¹⁸ Kumavungu agange mingi khange, alikhulumbilila inongwa inonu kwa Yesu. ¹⁹ UYohana akhadukha khange khwa Herode umbaha va nkoa pa khutola u Herodia, ichinge nyingi icho Herode alikhuvomba. ²⁰ Pwu khuvulongolo u Herode akhavomba uvuvi uvunge uvuvala ficho akhandindila uYohani mligelesya. ²¹ Pwu yikhahumila ukhuta, unsikhu avanu voni upwu valikhwochiwa nu Yohana, na yu Yisu alikhwochiwa. Unsikhi upwa likhwisaya, khukhanya khukhadi ndukha. ²² Umepo Umbalache akhikha pakhanya pa mwene ikhwoni kya khivili vili kifane njiva, unsikhi gugugwa ilimenyu likhicha ukhuhuma khukhaya iyitu, “Uve mwana vango ugane, ndiganile ficho na yue.” ²³ Pwu u Yisu yuywa avile tenguluve ukhumanyisya akhale ni miakha salasini. Ale mwana (nauvu yivalile) uva Yusufu, mwana va Eli, ²⁴ mwana va Mathati, mwana va Lawi, mwana wa Melki, mwana wa Yana, mwana wa Yusufu, ²⁵ Mwana va Mtathia, mwana va Amosi, mwana va Nahumu, mwana va Eli, mwana va Nagai, ²⁶ mwana va Maati, mwana va Matathia, mwana va Semeini, mwana va Yusufu, mwana va Yuda, ²⁷ Mwana va Yoanani, mwana wa Resa, mwana wa Zeerubabeli, mwana va Shealtieli,

mwana va Neri, ²⁸ mwana va Melki, mwana va Adi, mwana va Kosamu, mwana va Elmadamu, mwana va Eri, ²⁹ mwana va Yoshua, mwana va Eliezeri, mwana va Yorimu, mwana va Matathi, mwana va Lawi, ³⁰ mwana va Simeoni, mwana va Yuda, mwana va Yusufu, mwana va Yonamu, mwana va Eliyakimu, ³¹ mwana va Melea, mwana va Mena, mwana va Matatha, mwana va Nathani, mwana va Daudi, ³² mwana va Yese, mwana va Obedi, mwana va Boazi, mwana va Salmoni, mwana va Nashoni, ³³ mwana va Abinadabu, mwana va Aramu, mwana va Hesroni, mwana va Peresi, mwana va Yuda, ³⁴ mwana va Yakobo, mwana va Isaka, mwana va Ibrahimumu, mwana va Tera, mwana va Nahori, ³⁵ mwana va Seruig, mwana va Ragau, mwana va Pelegi, mwana va Eberi, mwana va Sala, ³⁶ Mwana va Kenani, mwana va Arfaksadi, mwana va Shemu, mwana va Nuhu, mwana va Lameki, ³⁷ mwana va Methusela, mwana va Henoko, mwana va Yaredi, mwana va Mahalaleli, mwana wa Kenani, ³⁸ mwana wa Enoshi, mwana va Sethi, mwana va Adamu, mwana va Nguluve.

Sura ya 4

¹ Pwu, Yisu vwu adigile umepo umbalache akhakhuya ukhuma khu kkihulu kya Yoldani, akhagegiwa nu Mepo Umbalache ² Kwu figono alubaini, ukwa alikhugeliwa nu setano. Unsikhi ugwa salikulya njala. ³ Usetano akhambula, “Ingave uveve ulimwana va Nguluve, pinelula iliwe live nkate.” ⁴ UYisu akhambula, “Yisimbiwe; 'umnu sakhatame nu nkata vuvule.” ⁵ Pwu setano akhandogocha

kwu vu malilo vwa kyamba akhambonesya uvutwa, vwoni wa khilunga kwu nsikhi unsupi. ⁶ Usetano akhata ni khukhupa, “Nikhukhupo uvwa yilweli vwa khalongocha uvuvaha uvwu woni paninie, nu vuvaha vwa pene. Nigaha evwo ulwakhuva foni amile one mfidemage, nu khumpa umunu uvininogwa ukhumpa. ⁷ Pwu lino, ingave vugundama ni kwisaya, ifinu ifi fyoni fiva fyakho.” ⁸ Pwu Yisu akhanda akhata, “Yesimbiwe, “Vwisayage kwa Nguluve vakho, nu khumbombela umwene vuvule.” ⁹ Pwu setano akhandongocha u Yisu khu Yerusalemu nu khumbikha pakyanya ficho pu nyumba ya tembile nu khumbula, “Ingave uveve ulimwana va Nguluve, ila hilile pasi ukhuhuma apa. ¹⁰ Ulwakhuva yisimbiwe, “Ilagicha avasungwa va mwene va khuvikhe nu khukhudima, ¹¹ hange yavikwukwinola mmavokho gavene ulekhe ukhulemala amalunde gakho nilivwe.” ¹² UYisu akhanda akhata, “Lichovivwe, “Ulanngela ukuludeva Unguluve vakho.” ¹³ Usetano vwa malile ukhugela u Yisu, akhahega nu khundekha upwu gufikhaga unsikhi ugunge. ¹⁴ Pwu Yisu akhavuya kwu Galilaya na makha ga mepo, ni nongwa cha mwene chikhaluta ifikongo fyoni ifili paninie. ¹⁵ Alikumanyisya mtembile cha vene, pwu munu nu munu alikhuginia. ¹⁶ Ikhinge ikhigono akhaluta Mnazareti, ikhilunga ikhyu atamile nu khu kila, neluvuyivile ulwiho lwa mwene akhingela mtembile ikhigono kya sabato, pwu khima ni kwimba uvusimbe.

¹⁷ Vakhampa iligombo lya nyamalogo u Isaya, pwu, pwu akhadindula iligombo, nu khulonda upwu yisimbiwe, ¹⁸ Umepo va Nkuludeva alipakyanya paliune ulwakhuva ambakhile i mono ukhulumbilila inongwa inonu kwu va lemilwe. Asuhile kuvavula uvuvopolwe kwuvakungiwe ukhuvavikha uvusa vilola valolage khange. Ukhuvavikha mbuvapolwa avigatachivwa, ¹⁹ ukhuvavula umwakhe ugwu ukhuludeva ikhovavonesya ulugano lwa mwene.” ²⁰ Pwa akhadinda iligombo, lya mwene akhankilivolela undongochi va tembile, pwu akhatama pasi. Amiho ga vanu voni uvuvala mu tembile valikundola umwene. ²¹ Akhatengula ukhuchova navo alikhuta, “Ilelo uvusimbe uvwu vufkhe mu mbulukhutu chenyo.” ²² Pala khila munu alikhulola ikyu alikhuchova u Yisu, nu vingi uvuvalepwo valikhudega na mamenyu ga luhala ugwa galikhu kumo mundomo gwa mwene. valinkuta, “Uyu mwana vuvule va Yosefu, savu yilivwo?” ²³ UYisu au havavula, “Lweli yamwichova ikhihnikho ikhi kyulyune, 'Uliganga iponie yuve. kyoyoni ikhutupulikhe ulikhuvomba kwu kapernaumu, uvombe pakhijiji kyakho apa.” ²⁴ Khange akhata, “Lweli nikhuvavula umwe, asikhuli unyamalago uvevi khumwidikha mkilunga kya kya mwene.” ²⁵ Pwu nikhuvavula umwe lweli ukhuta valipwo avalekhwa vingi mu Israeli imisikhi gya Eliya, khukhanya kwa dindiwe khulekhe ukhuva ni fula imiakha kidatu ne nusu, vwukhulini njala imbaha ikhilunga kywoni. ²⁶ Khange u Eliya sakhasuhiwe kwu munu

nuvalyumo, pwu khunde kwa yumo vuvule uviatamaga Mselepta pipi na khunji ni ugwa Msidoni. ²⁷ Khange, vale ekhwo na boba vingi imiakha gya Elisha unyamalago, pwa asikhuli nuvalyomo uvi aponile yu Naamani umunu va msiria. ²⁸ Avanu voni mgati mutembile vadigile ilyoyo vavile vipulikhe aga goni. ²⁹ Vakhima nukhu kuhugecha khunji khujini, nukhundungocha ukhufikha kuvumelilo vwa jini upwu ujini kwa vene kwa chengiwe khukyanya, pwu vantage pasi. ³⁰ Pwu akhaluta vunonu pagati pavene akhilutila. ³¹ Pwu khikha mu Kapernaumu, mjini ugwa Galilaya. Isabato yimo alikumanyisye avanu mgato nu mtembile. ³² Valikudega nulumanyisyo lwa vene, ulwa khuva alikhumanyisya khu makha. ³³ Pwu ikhigono ikhyo mgati mtembile, ale epwo umunu unyamepo imbivi, pwu akhalila khulimenyu ilya kukhyanya, ³⁴ “Tulinikhekhi nuve, Yesu va Mnasareti? Wichile kukhotuyocha? Nihemanyila uve veve veni! Veve mbalache va Nguluve!” ³⁵ UYisu akhadukha khumepo akhata, “Nunala mye, khange uhume mu munu oyu!” Imepo ila yikhataga umunu ule pasi pagati pavene, akhahuma mu munu khange sakivone uluvavo. ³⁶ Avanu voni valikudega, khange valikupichova imbombo iyo umunu nu nunine. Valikuta, “Gomanyu makhi aga?” Ilamula imepo imbivi khuvutwa na makha vevihege.” ³⁷ Pwu, imongwa cha Yisu chilikhuluta kwoni mu khilunga ikhichongotile unkoa ugwa. ³⁸ Pwu Yisu akhahega mjini vgwa

pwa akhingela munyumba ya Simoni. Pwu, unkwive nu Simoni alikhuva vivwa ihoma ingali, pwu vakhammbembelesya avange. ³⁹ Pwu, u Yisuakhang'elelela, akhadukha ihoma yikhandekha. Pwu akhima akhatengula ukhuvavombela. ⁴⁰ Ilichova vulikhwingela, avanu vakhendetela u Yisu umunu nuvotamu vwa uvwavechaga. Alikhuvikha amavokho gamwene pa kyanya pa ntamu pwu vakhapona voni. ⁴¹ Imepo chope chikhavahumaavingi vali kulila kwu elimenyu nukhuta, “Uve veve mwana va Nguluve!” UYisu akhadukha imipepo nukuvavula vachove, ulwakhuva valumanyile ukhuta umwene akhala vi Kristi. ⁴² Unsikhi vu khutandalukha, akhaluta ukhuvasikuli na vanu. Ululundamano lwa vanu valikhundonda pwu vakhichaukwu likwo. Vagela ukhukihivula alekhe ukhuluta khutali na vene. ⁴³ Pwu akhavavula, “Lasima nilumbilile ilimenyu ilinonu lya vutwa vwa Nguluve mu miji igingi mingi, ulwakhuva khyu mene nisuhivwe apa.” ⁴⁴ Pwu alikhuluta khulumbilila mgati mtembile mumbuyahudi mwoni.

Sura ya 5

¹ Pwu lino gukhahumila unsikhi avanu upu valundamine nu khunchungula u Yisu nu khupulihicha ilimenyu lya Nguluve, upwu akhimile palukanji mndisiva lya Genesaleti. ² Akhavuvona uvwato vuvili vwimile khulukanji khulisiva. Avilova vakhavile vahumile pwu valikusukha inyafu cha vene. ³ UYisu akhingila mmbwato vumo uvwa Simoni nu

khudova ahilikhe mundugasi patali padebe na khuvulagafu. Pwu akhatama nu khumanyisya ukhuhumile khuwato. ⁴ Ukhuchova akhambula u Simoni, “Hilikauwato wako pamagasi pagati nu khwisya inyafu chakho pwalove isomba.” ⁵ USimoni akhanda akhata, Ikuludeva, tuvombile imbombo ikilo yoni, salukhibate, kwu limenyu lyakho, nikwisya inyafu. ⁶ Vavugahile evwo vakhahundamania isomba nyingi ni nyafu chavene chakhatengula ukhudumukha. ⁷ Pwu vakhavavula avayavo avakhuvwato uvunge viche khutangila. Vakhiche vakhadicha uvwato vwoni, chikhatangula ukhuyuvama. ⁸ Pwu Simoni Petro, avile alolile evo, akhagwa pa mafugamilo ga Yisu akhata, “Hega khuliune, ulwakhuve une nilumunu ntulanongwa Inkuludeva.” ⁹ Ulwakhuva valikudega, ne voni uvuvalipwo nu mwene, pakhulova isomba uvuvakhavombile. ¹⁰ Ili likhavalundaminio uyakhobo nu Yohana umwana va Sebedayo, uvu ava vakhale paninie nu Simoni. Nu Yisu akhambula u Simoni, “ulekhe ukhudwada, ulwakuva ukhuhuma lino vutoga kwilova avanu.” ¹¹ Vuvavile valelile vwato khuvuchila lugasi, vakhakhikha kila khinu nu khunkonga umwene. ¹² Pwu yikha humila ukhuta ujini gumo, umunu uvia digile iboba ale ukhwa. Unsikhi avile ikhumbona u Yisu, akhagwa akhinamila amiho ga mwene mpakha pasi nu khutova, akhata, “Inkuludeva, ingave vwinogwa, wiwesya ukuhumbalacha.” ¹³ Pwu Yisu akhagolola ikhivokho kya mwene nu khumwabasya, akhata, “Ninogwa. Valela.”

Unsikhu gula gula ibuba yikhandekha.
¹⁴ “Akhandagila alikhe ukhumbula umunu pwu akhambula, “Lutaga ukhavonesye, kumakuhani nu khumie isadaka ya vuvalacho vwakho, khi hwanini nu lulagilo lwa Mose ukhulola khuvene.”
¹⁵ Pwu inongwa icha mwene chukhaluta khuvutali ficho, ni khipuga kya vanu khekhicha paninie khukho mpulihicha vwi manyisya nu khuponia amatamu gavene.
¹⁶ Pwu imisikhi gyoni alikwiyeputya khuvutitu nu khwisaya.
¹⁷ Pu yeikhava mumanchuva ngala eilinchuva leimo pu amanyisyangha, ava Farisai navamanyisi vanda ngeilo valaamile baho, avuvahumile muvunchenghe vwoni uvwa Mungalileya na mumbu Yuta, na khu Yelusalemu. Pu navuvuvahaha wa Nkuludeva vwalepwo ukhuta pwa ponianghe avatamu.
¹⁸ Avanu valive vakhancha, vagegde mulitefu umunu uvei aposinche, vakhalonda einjila ya khu mwing'eincha eigati va gonei pasi khuva longolo khwa Yisu.
¹⁹ Pu leino vavile valemilwe apa khunghenda pakhuva pale pafinye pasipali apakhuluta avanu vale vingi eilipungha eilivaha, pu vakhatongha khukyanya khukanu pavakha peledencha mumapamba angha khukyanya puvakhamwisya utamu mukhei hangha khya mwene panghati pavalongolo upu ale u Yisu.
²⁰ Alolile uweedechi wayene, u Yisu akhaachove, “Imanyani, imbivi nchakho usyei khiliwe.”
²¹ Pu leino avamanya kalata nava Farisai valeinkuta, vei veni uyu uveinchova amamenyu ngha imbedo, veni uvyaleinamakha ngha khusyeikheila inogwa, pu nyakhusyei

kheila alei yu Nguluve mwene?”²² UYisu, wikhulumanya khekhi ikhyo visaga, akhavanda akhata khekhi mkhivucha vucha ili munumbula chinyo?²³ Khilekhu khejebepe ukhuta inongwa chakho chisyekheliwe nukhuta 'Ima ugendage?’²⁴ Mlamanye ukhuta umwana va Adamu alinago amakha nkilunga ga khusiekhela inongwa, nukuvavula, 'Uveve sisimokha, tola ilitefu lyakho ulutage khu nyumba yakho.”²⁵ Unsikhi gugugwa akhasisimokha kuvulongolo khuvene pwu akhatola ilitefu lya mwene ilyu alikhugonela. Pwu alinkuvuya khu Unguluve.²⁶ Umunu nu munu alinkhudega nu khunginia Unguluve. Vakhadiga nu uvudwacji, nu khuta, “Tuchiwene imbombo cha khudega ilelo.”²⁷ Imbombo ichi vuchihomile, u Yisu akhahuma ukhwa akhambona unsonga songa uvialikwelangiwa Lawi atamile apakhusongecha isongo. Akhambula, “Ingongege.”²⁸ Pwu u Lawi akhavikha nu khunkonga, akhafilekha kila khinu khunsana.²⁹ Ulawi akhavikha ikhyakha ikhiva na khu nyumbaya mwene iya Yisu. Vakhavepo asonga songo vingi navanu vingi vatamile na vene.³⁰ Ava Mafarisai na vasimbi vavo vali kuvasikhitile avakonga, vali uta, “Khekhi mwilya nu khunywa na vatule nongwa na vasonga songo na vanu avange avatula ningwa?”³¹ UYisu akavanda, “Avanu avanonu saviilonela uganga, vala aratamu vu ya vikhondanda yumo.³² Sanikhichile kukalonda avayihweli vapale hata nikhuviolanga avatula no ngwa vapele.”³³ Vakhavavula, “Avakongi va Yohana imisikhi gyoni nu valikhudinda

nu khudova, avakongi va Mafarisai navope vivomba vule vule. Pwu avakongi vako vilya nu khunywa.” ³⁴ UYisu akhavavula, “Yiwesekhana umunu nu munu vala awafikhe khundoa ya nya ndoa widinda wu unyandoa vu bado pu paninie? ³⁵ Pwu ifigono fikhwicha unsikhi gwa nyandoayavikhung'echa kuvenu pwo ifigono ifyo yavidinda.” ³⁶ Khange u Yisu akhachova navene kwu khihwani. “Asikhuli uvilekha na ikhupicha kya mwenda ukhuhuma khumwenda umpya ukhunocha khumwenda ugwa khatale. Ingave ngavombe evwo, ikhugolekha umwenda umpya, na ikhipicha kya mwenda ukhuhuma umwenda umpya sakhinogelanila ukhuvomba nu mwenda unkulu. ³⁷ Khange, asikhuli umunu uvivekha idivai imya kufikopo ifya katale. Ingave ivomba ewo, idivai imya yikhale yibachola ikyombo, nayi divai yikhale yidudekha, ifichupa fikhala finangikho. ³⁸ Idivai imya lunonu ukhuvikha mufichupa ifipya. ³⁹ Mwikho umunu vwa nywile idivai lya khatale, ukhunogwa imya, ulwakhuva ita, 'Iya khatale nonu.'”

Sura ya 6

¹ Pwu lino ikhahumila kwu sabato u Yisu alikugenda pagati pa kyalo kya finu na vanyasyule va mwene valinkuyava isocho cha finu, vakhasegeya na mavokho ga vene vakhalya ifinu. ² Avange ava Mafarisai vakhata, “Khekhi mvomba ikhinu khikho salweli khi lulagilo ikhigono kya sabati?” ³ Uyisu, akhavanda, akhata, “Sangele mwembe ikyu Ndaveti

avombile vwu aliminjala, umwene na vagosi uvwuvali paninie nu mwene? ⁴ Akhaluta munyumba ya Nguluve, akhatola imikhata imivalache ni igithe ukhyulya, ni igithe ukhuvatolela avanu avuale navo nu khulyu, gigy gikhele gyu va Makuhani ukhulya.” ⁵ Pwu akhata, “Umwana va Adamu vi mbaha va sabato.” ⁶ Ikhahumila isabato iyithe akhaluta kwu tembile nu khuva manyisya avanu ukwa. Alepwo umunu uvi ikhivokho kya mwene ikyandyo khika posiche. ⁷ Avamanyisi na va Mafarisai valikundola vunonu ukhulola ingave ayi kumponia umunu ilichova lya sabato, vayivone inyila ya khusi takho ukhuvomba imbivi. ⁸ Alumanyile khi khekhi ikyo visaga pwu akhata khwo mnu uvikhifula ikhivokho, “Sisimokha, ima apa pagati pa munu nu munu.” Pwa umunu uyo akhasisimokha nu kwima bahapo. ⁹ UYisu akhachova kuvene, “Nikhuvavucha umwe, lweli ukhuvomba inonu kya apange ukhuvomba imbivi ukhupokha uwaomi au ukhunanga ikhigono kya sabato?” Akhavalola voni nu khumbula umunu, ¹⁰ “Golosya ikhivokha kyako akhagaha evwu, ni khivokho kya mwene khikhapona. ¹¹ Vakhadiga ne ilyoyo valikwichofya nja vavo vagathe ndakhekhi khwa Yisu. ¹² Ikhahumila isikhu kho icho alotile khwu khyamba khukhisaya. ikilo yoni alikundova Unguluve. ¹³ Vuvukila akhavilanga avasyule va mwene ku mwene, na mbili avange akhavilanga, “Mitume.” ¹⁴ Amatewa ga va mitume gu aga Simoni(uvi alikhumwilanga Peteli) nu Andeleya ikhikolo

kya mwene, u Yakobo, u Yohana, u Filipino, Bartolomayo, ¹⁵ Mathayo, Tomaso nu Yahobo mwana va Alfayo, Simoni, uvivali kumwilanga Zelote, ¹⁶ Yuta mwana va Yakobo nu Yuda Iskariote, uviale insongelehani. ¹⁷ UYisu akhikha paninie na vene ukhuhuma khu khyamba nu khwima paluvindi ikhipuga ikhivaha kya vakongi va mwene vale ukho, paninie ni khipuga ikhivaha kya vanu ukhuhuma khuvuyahudi na khuyerusalemu na khulukanji mu Tiro na khu Sidoni. ¹⁸ Vakhicha khupulehecha nu kunia uvutamu vwa vene. Avanu uvu valikugatachiwa ne mipepo imivivi vakhevaponia. ¹⁹ Umunu na munu pakhipuga ikyo alikhugela khwu mwabasya, ukwa kuva amakha ga khuponia mgati nmwene, akhavaponia voni. ²⁰ Pwu akhalola avakongi va mwene, nu khuta, “Msayiwe umwe mwimvile vagachu, ulwakhuva uludeva lwa Nguluve lwinyo. ²¹ Msayiwe umwe mwemvile ne njala lino, ulwakhuva ya mwihekha. ²² Msayiwe umwe mwi avanu yavi khuvakalila nu khuvatenga, umwe ukhuta mlivavuvu, kwu nongwa ya mwana va Ndaveli. ²³ Hovokhanga isikhu iyo nu khuchumba chumba, ulwakhuva lweli ya mwiva nu luhombo luvaha khu khyanya, ulwakhuva avadade va veve vavavombile evo avanyamalago. ²⁴ Lwinyo umwe mwemvile vatayili! Uhwakhuva mpatile ulucheso lwanyo. ²⁵ Lwinyo umwe mwemwigwite lino! Ulwakhuva ya mwivona njala kuvolongolo. Lwenyo mwe mwiheka lino! Ulwakhuva ya mkuta nu khulila khuvolongolo.

²⁶ Lwinyo umwe, mwiyaakhave mginiwa na vanu voni! Ulwakhuva udada va vene vavavombile avamanyalago va vodesi vulavula. ²⁷ Nichova khuliomwe mwemkhumlihicha, vaganage uvumsoline nu khuvomba inonu khuvala avavikhuvakalalila. ²⁸ Vasayage vala avavikhuvakotola umwenu khuvadonela vala avavikhuvavonela. ²⁹ Khumwene uvi ikhakhota uvuchuga vumo, impendulile nu wa vili. Ingave umunu ipokha ilijoho lyakho ulekhe ummbecha ni kanju. ³⁰ Umpichaga uvidova. Ingave umunu ipokha ikhinu khyakho, ulekha ukhudova akhukilivolile. ³¹ Nduvumwinogwa avanu vavavombe, nayumwe vavombe vole vole. ³² Mngavagane avanu uvumvaganile umwe uhwa lwokhelo lukhikhulyumwe? Ulwakhuva navavatula nongwa vikhuvagana vala avava ganile. ³³ Ingave mkhuvavombela inonu kala uvavikhuvavombela inonu umwe, vule vule luhombo lukhi khu lyumwe? Ulwakhuva navatula nongwa vigaha vule vule. ³⁴ Ingave vukhumwachimela umunu ekhenu uvivukhihuvila khukilivola, vue vule luhombo lukhi kuhomwe? Navavatula nongwa, vikhuhuvila ukhupila khikhikyo khange. ³⁵ Pwu vaganage uvumlingofyo nu khuvavombela inonu. Vachimelage mlekhe uvudwachi khunongwa ya khukilivola, nu luhombo lwinyo lwiva luvaha. Mwiva vana va pakhianya, tu ulwakhuva yumweni vinonu khu vanu uvuvachila nu lusano na vavivi. ³⁶ Mvichage ni khisa, nduvu eDada vinyo vwalimkhisa. ³⁷ Mlekhe ukhuhiga, nayumwe sayamhegiwa.

Mlekhe ukhukotola, na yumwesaya mkotoliwa. Syiekhilaga avange, nayumwe msekhihiwa. ³⁸ Vapichage avange, nayumwe mwipata. Ikhigelo kya vudekhe dekhe - uvusindile, nu khukihina nu khududekha - khidudekha mmafugamilo ginyo, ulwakhuva khugelelo kyokyoni ikyo mgelela ikhupima, ikhigelelo khikhikyo ya khimbekha ukhuva gelela umwe.” ³⁹ Pwu akhavavula ikhihwani. “Akhata Umunu uvi abofwile ikhundongocha umunu uyunge uvia abofwile? Ingave avombile evwo, pwu voni vakhale vikhwingila mliguli, je savakhale vikhwingela? ⁴⁰ Uva syule sakhave mmbaha ukhuhutilila umanyisi va mwene, pwu umunu angamanyisiwe vononu iva imanyisi va mwene. ⁴¹ Ikhekhi wilola ikhibanji ikhiligati mliho la lukolohwo, ni libonti ililigati mliho lyakho sawilola? ⁴² Vukhwima ndapi ukhumbula uheko lolwo, lukholo hecha ikhibanji ikhigati mliho lyakho, 'nayuve sawilola ibiboriti ililindiho lyako yuve? Ulidesi uve! Tala hecha iliboriti mndiho lyakho yuve, pwu wilola vononu ukhuhecha ikhibanji mndiho la lukololwo. ⁴³ Ulwakhuva gusikhuli umbikhi unonu ugu gwihola isekhe imbivi, khangе gusikhuli umbikhe umbivi ugwihola isekhe inonu. ⁴⁴ Ulwakhuva umbikhe gumanyikhikha msekhe cha gwene. Ulwakhuva avanu savitungula isekhe khuhuma khumidodi, khangе savitungula isabibu ukhuhuma khumichongoma. ⁴⁵ Umunu unonu mukhibana kya mwene ikhinonu ikya numbula ya mwene ihumya agavile amanonu, nu munu umbivi mkhibana kya mwene ikhivivi ikya numbula ya

mwene ihumya amavivi. Ulwakhuva undomo gwa mwene khova gala ugugadigile munumbula ya mwene. ⁴⁶ Khekhi mkhunylanga, 'Ikolodeva, koludeva, 'wu samvomba igumichava? ⁴⁷ Umunu uvikwicha khulivne nu khupulikha amamenyu gango nu khuvombela imbombo ni khuvavonesya umwanavelile. ⁴⁸ Ihwanana nu munu mnyumba ya mwene uvinyava pasi ficho, nu khujenga uhvutu lwa nyumba ya pakyanya pa lunalawe ulukapu. Vugikhwikha amapolomokho ga magasi agakhatova inyumba, sayili khutikhisekho ulwakhuva yi yikhache ngiwe vunonu. ⁴⁹ Uvi ipulikha ilimenyu lyango salikhuli dwadwa ikhihwani kya pene vi munu uviachengile inyumba pakyanya palufumbe upwu lusipali uhvutu, ulugasiti vuhikhwicha na makha inyumba yagwile fivi ficho.

Sura ya 7

¹ UYisu wa malile khila khinu ikyu alikhuchova khuvanu uvuvalinkumpulihicha, akhingila mkaprinaumu. ² Ummbanda yumo va akida, uvi ale inonu ficho kumwene, ale intamu ficho ale pipi ukhufwa. ³ Vu apulikha inongwa cha Yisu, ua Kida ula akhansuha undongochi va vayuta, kukhodova iche amponie umbanda va mwene alekhe ukufwa. ⁴ Pawipi nu Yisu, vakhandova nukhuta, "Anogile ukhuvomba ewo ku mwene, ⁵ ulwakhuva akhiganile ikhilunga kyetu, khangе viachengile ne tempeli yitu." ⁶ UYisu alikhuta nulugendo lwa mwene paninie na vene. Vusafike patali ne nyumba, umbaha

yumo akhavasuha avamanyani kwichova nu mwene. “Imbaha, ulekhe ukwigatacho vi mwene ulwakhuva une saninogile uve ukwingila kwu kano yango. ⁷ Ulwakhuva na yune sanikhasage ukhuta nayune ninogile ukwicha khulive, uve chova ilimenyu vuvule umbombi vango ipona. ⁸ Ulwakhuva nayune nivikhiwe kuvuvaho nilina vasikhali pasi paliune. Ni ngati” Kutaniluta” Nuyunge ni ngata, icha”Ikwicha, na yumbombi vango, “Vomba ikhi” Navope ivomba.” ⁹ UYisu avile apulikhe aga akhadega, nu khuvapindukhila avanyalulundamano uvuvalikhunkonga nukhuta. “Nukhutanikhuvavula, ata Muisraeli, sanegele ukhulola umunu unyalwidikho uluvaha ndulo. ¹⁰ Vala avakhasuhiwe vakhavuya khu myavoyo nukhumbona umbombi monu. ¹¹ Vwa malile aga, ikhahumila u Yisu alikhugenda ukhuluta mu njioni gwa Naini. Avakongi va mwene vakhaluta paninie va khakongana ni khipuga kya vanu vanu. ¹² Vu alipa khufika pa ndiango gwa muji, lola, umunu uviafwile va khagegile, umwana uvialimwene mwa khwa vanina. Uchila gosi, nikhipuga kya vikhumbikhilicha ukhuhuma kwu jini vakhale paninie. ¹³ Avile ambwene unkolodeva akhahegelela khukhisa ikhivoha ficho pa mwene akhata, “Ulalilaga.” ¹⁴ Pwu akhahegelela pavulongolo akhabasya ilisanduka ilyu vagegile umbili, vala avagegile vakhima akhata”Indume nita sisimokha” ¹⁵ Uviafwile akhasisimokha nu khutama pasi akhatengula ukhuchova. Pwu Yisu akhampa uvanina. ¹⁶ Pwu

uvudwachi vokhavibata voni. Valinkunginia Unguluve valikuta "unyamalago umbaha imekhiwe yumo indyufwe" nu "Nguluve ikhuvalola avanu va mwene" ¹⁷ Inongwa ichiinonu icha Yisu chikhaluta mu Yudaa yoni ni filunga fyoni ifilipipi. ¹⁸ Avakongi va Yohana vakhembula goni. ¹⁹ Pwu Yohana akhavianga avakongi vavili nu kuvasuha khu kuludeva nu khuta "UYohani umwochi atusuhile tugojele? ²⁰ Vavila valipa khufikha pa Yisu avavakhata, "UYohani umwochi atusuhile khuliove tute, 'Veve vi ula uvikwicha apange khulimu munu uyunge tugojelage?" ²¹ Khusitakhi ugwa avaponiche avanu vingi ukhuhuma mbutamunu luvavo, ukhuhuma kwu mepo imbivi, na khuvanu uvusa vilola vali nkulola. ²² UYisu akhavanda nu khuchova navo. "Vu mlotile ukhumuhamile mkhambula uYohana ikyo mlolile nu khupulikha. Uvusavilola vikwupilila ukhulola na afuguywike vigenda, avanya boba vivalachiwa, uvusavipulikha vipulikha, avafwile vichokha nu khuva vumi, avalemilwe vivoli wa inongwa inonu. ²³ Nu munu uvi ingave sikhundekha une kwu mbombo yango asayiwe." ²⁴ Vala avasuhiwe nu Yohani ukhukili vokha ukhuvahumile, Uyisu akhatengula ukhuchova na vanya nkutano kwu nongwa ya Yohana, "Mkhalutile khunji kwilola khekhi, ililangi walisikhanikha ni mepo? ²⁵ pwu mlikhuluta kweki, kwilola uviafwalila vunonu? Lola avanu vala uvuvifwala imyenda gya kuvutwa nu kutama uvutamo uvunonu valikhuvolongolo kuvutwa, ²⁶ pwu mwilola

khunji kwilola khekhi unyamalango? Ena, nichova khuhumwe ficho ficho sayivile kyu myamalago. ²⁷ Uyuviandikhwe, “Lola, nikhunsuha umbanda vango pamiho genyo, uviyakhave ivikha injila yango, ²⁸ Nichova khuhumwe, khuvala avaholiwe nu dala, asikhuli umbaha ndu Yohana, umunu yuywa savamana ficho uviyakhave itama nu Nguluve upwalipo umwene, iva imbaha pakyanya pa Yohani.” ²⁹ Avanu voni vuvapolikhe aga paninie na vasongo songo, vakhatangasya ukhuta Unguluve viva yelweli. Vakhavepo vala avochiwe nu Yohana. ³⁰ Ava Mafarisai na avachimanyile indagilo cha va Yuta, uvasavakha chiwe nu mwene vakhabela uluhala lwa Nguluve. ³¹ Khange ni kuvahwananicha nikhe uhi ikhipapo ikhi? Lino mlinda khakhi? ³² Vihwanene na vana akyega khuluingilo, lwa sokoni, uvovitama nu kwilangana yumo yumo nu khuta, “Tupulile ifilimbi samlikhunema, tulikwililisya samli kulila.” ³³ U Yohana umwochi akhicha sakhalia unkata na khu khunywa idivai, mkhata”Alinimepo. ³⁴ Umwana va munu ichile alile nu khunywa mkhata, “Ilye no igachi imanyani va vasonga songa na vatula nongwa! ³⁵ Pwu uluhala luvonikhe ukhuva khulinuwayelweli khuvana va mwene voni.” ³⁶ Umfarisayo yumo akhadova u Yisu alute kwilya nu mwene. u Yisu wi kwingila mu nyumba ya Farisayo, akhalete ikhiyegamicha pa mesa pwu alye. ³⁷ Pwu lola ale pwo undala yumo mu khijiji ikyo uviale itula nongwa akhalumanya ukhuta atamile kwa Farisayo, akhaleta ikichupa

kya mafuta. ³⁸ Akhima khunsana gwa mwene pipi na malunde gar mwene khunu ilila. Khange akhatangula ukhulove kha amalunde ga mwene, ni nyiho chi, nu khupulusya ni njwele chacha ntwe gwa mwene alikubusu amalunde, gamwene nu khulyema amanukhato. ³⁹ Ufarisayo ula uviamwilangile u Yisu avile awene ewo akhasaya yu ywa akhata, “Umunu uyu angale ave inyamalago akhale ikhulumanya uyu veveni khange idala muki uvikhumwa basya, ukhuta itula nongwa. ⁴⁰ UYisu akhanda akhata, “Simoni nilinikhinu kya kukuvula. “Akhata” “Chova vuvula imanyisi!” ⁴¹ U Yisu akhata “Vala avo nya madeni vavili kwu viavakopile yumo. Uyunge alikudayiwa idinari miatano uvavili alikhudayiwa idinari hamsini. ⁴² Vakhavile valivuvula isilingibcha khuhomba akhavasyo khelo voni. Pwu veni uvikhugana ficho? ⁴³ Usimoni akhanda akhata, “Nisaga uviasyekhelewe ficho.” UYisu akhambula, “Uhigile vunonu.” ⁴⁴ UYisu akhampendukhile udala nu khuchova nu Simoni, “Umbwene udala uyu. Niingile munyumba yako. Sakhame amagasi uyu ni nyihochi cha mwene, aлови khe amalunde gango nu khupukhuta ni njwele cha mwene. ⁴⁵ Sakhambusu, umwene, ukhuhuma ikwingila umu sakhelekwile ukhumbusu amalunde gango. ⁴⁶ Sakhabakhe amalunde gango amafuta, abakhile amalunde gango mafuta. ⁴⁷ Kwu ili, nikhu khuvula nita akhale ni nongwa nyingi asyekhaliwe ficho, khange akhanogilwe ficho.

Pavuge uvyasiekheliwe padebe inogwa padebe vuvule.” ⁴⁸ Pwu akhambula udala, “Inongwa chakho chisiekheliwe” ⁴⁹ Vula avakhatamile pamasa paninie nu mwene vakhatangula ukwichofanja vavo kwa vavo, “Uyu veni isiekhela na chinongwa?” ⁵⁰ U Yisu akhambula udala, “Ulwidikho lwakho lukhupokhile. Lutaga nu lunochehecho”

Sura ya 8

¹ Yahumila unsikhi usupi u Yisu akhava nu lugendo mu miji ni mijiji fingi alikukumbilila nu khuvavula inongwa inonu icha ludeva lwa Nguluve na vala kumi na mbili vakhaluta paninie nu mwene, ² navavange avadala uvuva khaponile ukhuhuma kumepo imbivi nu mutamu ulipapingi. Vakhale vi Mariamu uviali kwilangiwa magadalena uvi va khahumiche imepo saba. ³ UYoana udala va kuza nu numbaha va Herode, Susana, na vadala avange vingi, uvuvakhahumicha ifyuma fyavene. ⁴ Eikhipungha khya vanu vavile valundamine papanie ukhuhuma mwonimwoni mbunchenge, vu ava anchovangha navo mfiwananincho. Pa akhanchova eikheihwani akhata. ⁵ “alekhyo umunu uvei avyalyangha eimbiyu, avile ivyala, imbiyu inchinghe ncha nghwinchangha mundukanji munjeila pu avanu vakanya na malunde ifidenghe fya khukyanya fikhalya imbiyu incho. ⁶ Inchinge imbiyu ncha nghwile pang'ang'a unghwa palunalawe ncha vile nchimelile vuuchi kula punchilikhunialalukha ulwakhuva sapale na magari. ⁷ Imbiyu inchinge

nchikhanghwamumitwinyo pungheileinkula pupanie punchikheivunghuteila. ⁸ Puleino imbeyu inchinge vu ilaha pakhuvyala palinkunghwa mung'ang'a unghunya mbolela nchikhamotekha punchikhahola isekhe nchunyingi. “Pu u Yisu avile anchovile ndavule pu akhanchova neilimenyu eilivaha fincho akhata, “Ula uvyaleini mbulukhuta inchakhupuleikha puapuleikhanghe.” ⁹ Pu khangе avakongi va mwene vakhambuncha ikheihwani eikhyo khyukhuta kheikhi, ¹⁰ U Yisu akhavavula akhata, “Umwe muleihuba pakhuva munchimanyile nchila incha khuludeva lwa Nguluve. Pu leino avange vimanyeisiwangwa mfihwananincho, khuta pu vangalole valekhe ukhufivona, vangapuleikha valekhe ukhweliwa.’ ¹¹ Pu leino ikheihwananincho ikhei vakhiita, khukhuta. Eimbeyu lyulimenyu lya Nguluve. ¹² Imbeyu nchila inchanghwile mundukanji munjeila vyu vanu avavipuleikha eilimenyu, pu ponghela undunghu usetano ikhwincha munumbula nvhavo puihencha eilimenyu leila eilyuvaleipulikhe ukhuta puvalekhe ukhulyeideikha nu khupokhiwa. ¹³ Pu leino nchila inchanghwile palunalawe vyu vanu vala avipuleikha eilimenyu nu khulyupeileila nu luhekhelo pu leino valei vula milela eighya khweitotekha, puvikhweideikha paseikhei unghwa khunghelivwa puvinghwa. ¹⁴ Nchombe imbeyu nchila incha nghwile mumatoni vyu vanu vala vavo vipukikha eilimenyu, pu leino inchankilunga nchikhuvapeinjeileihania imbombo incha vukavi ni fyuma nuvunonghwe

uvwankeilunga pu savihola isekhe. ¹⁵ Pu leino imbeyu nchincho ncha nghwile ming'anga unghunya mote pakhuva nghuleineimbolela vyu vanu, vala avadekhedekhe ni numbula inonu, vavapulikke eilimenyu vikhulibaleileila nu khuleikonga puvihola ni sekhe incha khweliyumeleincha. ¹⁶ Pu leino asikhuli umunu na yumo, uvi iwasya einyali nu khunghubeikheila nei ndelema hange siveikha pasi pakheisanja. Pu iveikha pa kyanya pavuhanghufu pakheisanja ukhuta avanu vavikhwingeila vavenchanghe vanu vakhula vukhuvalafu. ¹⁷ Ulwakhuva kheisikhuli eikheiyakheiva khifihama, leve lyu limenyu leilyo saleikhamange ikheikhe nukhuva pavavalofu. ¹⁸ Pu leino muvenchanghe vanu vakhupuleikha nukhunchingahe incha nchila unchuvu puleikha pakhuva avyalei na khyo, uywavifikhyongelelangha vikhupinchangha, pu ula uvyaleivuvula na kheilakheila eikheidebe eikhya leinakhyo puvipokhangha khyope.” ¹⁹ Pu leino uvaninemwe va Yaisu na valukololwe puvakhanduteila pasavahenghelele pamwene savuli ya kheipungha khya vanu eikhyanchunghutile. ²⁰ Pu vakhambula vakhata, “Uvanine mwa vakho navalukololyo veimile panchi vilonda ukhwa nghanila nuve. ²¹ Pu leino, u Yaisu akhata”, Ujyuva vango navalukolo lwango vyu vala avikhuleipuleikha eilimenyu lya Nguluve nukhuleikonga.” ²² Pu yeikhava eiliinchuva leimo u Yaisu navakongi vamwene vakhingeila muvwato, pu akhavavula akhata, “Pu tulove khe einyanja tulute

khumwambo, puvakhatesyania uvwato. ²³ Pu vavile valei munyanja vinghenda, u Yeisu akhanghonelela itulu pu umbelo umbaha nghukha tenghula ukhukulunghuta, pu uvwato vwavo vukhanja ukhudeingha amanghasi pa vakhavmumbupala uvwakhufwa. ²⁴ Pu avakongi vamwene vakhaluta upwanghonile u Yisu vakhasisimula, vakhata, “Nkuludeva Nkuludeva! Tuleipakhufwa!” Pu akhasisimukha akhanghutaneila umbelo unghunyakulunghuto, pu amanghasi anghambelo nu kulunghuto nghakhalitama vuvule. ²⁵ Pu akhavavula akhata, “Ulwelideikho lweinyo luleindakhu?” Vakhadwada nukhudengha vavo kheila munu aleinkudeingha nukhuta, “Uyu vei munu, mukhi pakhuva umbelo nghwa manghasi anghanyakulunghuto nghikhupuleikha nukhumweideikha?” ²⁶ Puvakha`nchifikhe khuvunchege uvwa kheilunga eikhya Nghelaseni uvanchege uvulei khulavafu ulwakhusana mu Nghalilaya. ²⁷ Avile ahumile muvwato pukhava mukheilunga eikhya mwambo khunyanja pu akhanghanila nu munu umo uvambunchege vula, pu umana uyu ale namakha ngamepo imbivi. Pa finghono fingi akhava sifwala eimyenda, hange saleikhuta munyumba, aleikhutama khuvunghuli vwa vanu avafwile. ²⁸ Avile ambwene u Yisu pu akhakutafincho puakhanghwa pasi mbulungholo khwa Yeisu, akhakuta nukhyovela fincho aleikhuta, neivombile khinu kheikhi khulyuve, Yeisu vei mwana va Nguluve uvakhukyanya? Nikhukhudova,

ulekhe ukhumbunga une” ²⁹ Pu u Yeisu akhayeilangeila eimepo eimbivi akhata, humangha, ulwakhuva isikhunchoni umepo umbivi aleikhung'usania khyoni khyoni ukhwanukhwa. Pu avanine valeikhundolela nu khunkunga eiminyololo pwaleikhudumulania imepo imbivi nchilikhundongoncha impakha mundunkunghu mumakha ngha mepo ula. ³⁰ U Yeisu akhambuncha akhata, “Eiliyavwa lyakho veve veni?” Pu akhamula akhata, “Nene kheipungha” Ulwakhuva imepo imbivi nchunyingi nchingile mumwene. ³¹ Pu imepo imbivi nchisikhupisima khwa Yeisu ukhuta siwo ulekhe ukhututangha munghunghenge. ³² Pu leino khyale epwo eikheipungha khya nghube eikhivaha kheikhalya eilinyasi pakhyamba. Puvakhaduva nu khusima ukhuta avatavulile vinghile munghube incho pu u Yeisu akhavatavula munghube incho. ³³ Pu leino imepo imbivi nchikhala uma khumunu ula panchikhingeila mu nghube nchile, pu eikhipungha kheila pukheikhei landaveikha palunghenge kheikheitangha munyanja nchikhadwiveila. ³⁴ Avanu vala avadumangha einghube vavile vakheivwene eikheihumile ndavule puvakhava vanu vakhuluta nimbeilo nu khuvuleisya inongwa inchi mwoni mwoni khuvanu va mbunchenghe vwoni. ³⁵ Avanu vuvapuleikhe inongwa ndenchi puvakhaluta khukheilolela vavo eikheihumila, puvakhincha khwa Yeisu vakhambona imbivi leino nchihumile pu umunu ula akhava ulunonghile. Akhava atamile pamalunde ngha

Yeisu, puvakhadwada. ³⁶ Pavala vavo valolile puvakhavavula inchihumila khumunu ula uveiakhanghatanchivwangha nu vulongonchi vwa mepo imbivi u aponile. ³⁷ Avanu voni avakheihungha eikhya mu Nghelasini na mufilonga ifya ndukanchi pu khavona ukhuta u Yeisu ahenghanghe khuvene pakhuva vale nuvudwanchi uvuvaha. Pu akhingheila muvwato aleikhuvaya. ³⁸ Umuu ula uvei imepo chahumile puakhasima khwa Yeisu akhata vahenghanghe njeila. Pu leino u Yeisu akhambula akhata alutanghe khukaya ya mwene akhata, ³⁹ “Vuya khukaya yakho pu ukheisanghele nchila nchoni inchu u Yeisu akhuvombile. ⁴⁰ Pu U Yeisu avile, avuyile avanu eikheipungha vakhamwambeileila pakhuva voni valeikhunghuleila. ⁴¹ Pu akhavonakha nu munu umo uvu alilangivwanghwa vei. Yailo ale manyisi mbaha paninie navamanyisi munyumba ya khweisayeila. Yailo uyu avile afikhe pamalunde nga Yeisu pwaeikhwaeibeilusya nukhusima ukhuta idova alute pakaya ya mwene, ⁴² pakhuva alei nu mwaleive umo vuvule uludeingha unymiakha kheinchingo na ngheiveilei aleilamu fincho nduvyaleipakhufwa. Pu u Yeisu avile iluta eikheipungha khya vanu kheileikhu mbunghuteileila. ⁴³ Hange na Yudala umo uveiavenchangha khwimali ifinghono fyoni eimiakha kheinchingo neingheiveilei pu nakheikhyuma khyamwene amalile khuvanghanga alepwo pakhipungha kheila,

pu asikhuli na yumo unghanga aveiyavile eilimali lyamwene, Pu udala ula akhafuyenye lukha pakhelipunga ⁴⁴ akhanchiva pasana nghwa Yeisu akhabasya mukheihundwa khya Yeisu khumalunde. Pu akhasekhe ndakhaleikhu eilimali lya mwene leikhadungha akhava aponile. ⁴⁵ U Yeisu pu akhata, “Veeni uveianyabasinche?” Vooni vakhabela, pu u Peteli akhata, Nkuludeva, avanu avavakhuvunghuleilile nukhukhu kulungha.” ⁴⁶ Pu Yeisu leino akhata, “Umunu umo anyabasinche pakhuva neivwene ukhuta amakha nghavile mapepe nghasimuli ndyune.” ⁴⁷ Pu udala ula avile avwene ilemwa ukhweimyesa eikhyu avombile, akhahengelela pa Yeisu khunu itetema pu akhanghwa pasi akhava munu uvei ikheilata inchipelile ukhumwabasya nukhupona eilimali paalapala. ⁴⁸ Pu leino u Yeisu akhata, “Eingh'ienja, ulwaideikho lwa kho lukhuponiche. Pu wei luteilanghe nulunonchehencho.” ⁴⁹ Pu avile iinchova ndavule, umunu umo akhinja ukhuma khu kya ya ula umbaha vanyumba ya kweisayeila, akhata, “Umwaleivo amalile ukhufwa. ulekhe ukhunghatancha umanyisi.” ⁵⁰ Pu leino u Yeisu avile, apulikhe ndavuleakhamula akhata, “Ulekhe. Ukhudwada vweideikhevuvule navope ipokhivwa.” ⁵¹ Pu leino avile afikhe pakaya nukhweingeila munyumba, pusantavuleile munu ukhwingeila paninie nu mwene, pu u Peteli, nu Yohani nu Yakobo, vise va ngh'eincha, nu vaninemwa veene. ⁵² Pu avanu voni valeikhuleila

nukhyovela savuli ya mwana ula uvyafwile, pu u Yeisu akhata, “Mulekhe ukhyovela, safwile, anghonelile vuvule.” ⁵³ Pu leino avanu vakhang'ekha nukhubedana, pakhuva valumanyile ukhuta afwile. ⁵⁴ Pu umwene, u Yeisu akhamwibata ikhivokho u ngh'eincha ula, pu akheilanga neilimenyu eilivaha akhata, “Vei mwana, uve sisimukha” ⁵⁵ pu u mwuyu nghwa mwene nghukhakilivukha, pu akhasisimukha useikhei nghulanghula, pu akhalangheila akhata vampe kheininie alye. ⁵⁶ Avahonchi vamwene vakhaswingha, pu leino akhavavula ululangeilo ukhuta valambu langha munu inongwa inchi.

Ondyango gwa 9

¹ Avilangile vala khnche na vavili pupaminye, avapile uluhala nu vulweli uwa masetano nu kuponyiy avatamu. ² Akhavasuha ukhuluta kuluvubilila uvutwa wa Nguluve nu khuponiya avatamu. ³ Akhavavula, “Mlatolaga ikhya venjaga khu njila yinyo luve lubikhi, na gupakho, nu khata na nchi ndalam naliligwanda. ⁴ Inyumba nchoni inchiyakhiva mukhwingiela mtamage umwya isiku nchoni, mupakha upayikhiva mwichega aponu apo. ⁵ Khu vala avikhuvabela ukhu vapokhela, mungehegaga apo, isanyanage Indukhulu lwoni mumalunde genyo nu khunjova khuvene.” ⁶ Vakhahega nu khuluta ikhu gendela mukhaya vuvunchova ilimenyu nu khuponiya avanu na nduvungilo. ⁷ Lino uvakhilunga u Herode, uvilolelaikhilunga, akhapulika agavonikhe, agatanchiwe lweli

ulwakuwa lyanehowiwe na vange ukhuta Yohani ikhwoncha anchukhile ukhuhuma khuguli, ⁸ Na vange, u Elia amalile ukhuhumila na vange panineye na vanyamalago avakhalale au chukhile khuvuguli. ⁹ U Herode akhata, “Nakhegite khura Yohani, lino uyu viweni uviyakhiva nikhupulikha uvunchofi? Nu Herode akha landa inchila iya khuvulona U Yisu. ¹⁰ Unsikhi ugwa vuvakhiliwekhe vala avava sukhile, vakhambula khila khinu ikhivavombile. Akhavatola pipamuye, akhaluta mwene khu Bethsadia. ¹¹ Ulwakuva ululundano valupulikhe vakhakhonga, nu khuvahegencha nu khunjova navo ukhuta uludeva ulwa Nguluve, nukhu vasaye avavidikhe ukhupokhiwa. ¹² Liuchova likhasila, na vala khinjigo na vavili vakhaluta khumwene khukhunchova, “Vavahenchie avanya lulundamano walute khukhaya icha pawpimu juni vakalonde apakhugatalukha ni khyakhulya ulwakuva puutule khulinyasi.” ¹³ Ulwaku akhavavula, “Umwe vakhanchova.” Tulivuvule ukhulutilila utuvungutulilo tuhano utwa khisyesyey ne somba ivili, ulwakuva tukhetwiluta nu khugula ikhikyakhila kya lulundamano ulwa vani.” Kwale na vagosi avaelfu vahano. ¹⁴ Akhavavula avakhangamwene. “Muvatamikhe avanu pasi kipuga avanu havisinihanisini. ¹⁵ Puvakhavomba evo pu avanu vakhatawa pasi khipugakhipuga. ¹⁶ Akhatola ifisyesyey fivili akhalola khukyanya akhafisaya nu khumenyuluna tuvinituvini, nu khuvopa avakhangamwene, ukhuta vavagivile

avanyalulunelamano. ¹⁷ Valile avanu voni vakhiguta nukhusigancha, amalagalila ga kyakhula, vakhalola nukhudincha ifitundu khinchigo na fivili. ¹⁸ Usikhi vuikhisaya alimwene, avakhongi vamwene vale paninie, nukhuvavuncha ukhuta, “Avanu vita une nene veni?” ¹⁹ Vakhanda vakta, “Vita veveYohani uvikhwoncha, na vange vinchova vita veve Eliya, nu yunge ita ulinyamalago nu uskhi ugwa khatale ulwakhuva anchokhile.” ²⁰ Akhavavula, “Akhala umwe mwita une niene veni?” U Petro akhatave, “Kriste ukhuhuma khwa Nguluve.” ²¹ Ulwakhuva, ukhuvavunga, ukhusita ukhunchova imbombo inchi, ²² Umwana va Adamu akhanchova akhata, huba ukhuvungiwa ne mbombo inyingi nu khubeliwa ne vagologo na vavakha avakhilungana vavingi, ukhuta ibudiwa ne sikhu uyadatu inchokha. ²³ Akhavavula voni, “Akhata umunu anganogwe ukhungonga ihumye yuywa, atole ikhhikovekhano khu ifigono fyoni ang'onge. ²⁴ Uvanchage agelale ukhugapokha imitamilo ayikhugayanacha, luno uvavenchaga uviikhugayanacha initanilo gujamwene mukhupilila khuvuvaha wango, ayipokha imitanulo gyaniwene. ²⁵ Lino khikhutanga khikhi umunu, angave ikhupila inchakhilunga nchoni, upu iyancha nukhuwopila uvuvivi munubili gwamwene? ²⁶ Uvavenchaga ikhumbonela isoni une na mamenyu gango, khumwene, umwana va Adamu ayikhumbonela isone upuyakhiva khuvuvalanche, nu vuvalanche wa Dada na

vasugwa avavalanche. ²⁷ Lino nikhuvavula uvuwa jilweli, khuvale avange khulwimwe savalafwa, bakhu alava ikhuvuvona uvutwa wa Nguluve.” ²⁸ Neha fike isikhu khunsi khi u Yisu akhanchova amamenyu ukhuta akhavatola paninye u Petro, Yohana nu, Yakobo, vakhatoga khukyamba khukhisaya. ²⁹ Usikhi uguale pagwisaya, uvuvonekhi wa miho wahambwikhe, nagimweyenda gwiyahambwikhe, gikhava miwalafu nukhulangala. ³⁰ Lola, pale na vagosi vavili u Mose nu Eliya, ³¹ valikhunchova nave, Vavonikhe khu vuvalanche. Vanchovaga ukhega kwamwene, yalembombo yakhuhegelela ukhumala khu Yelusalemu. ³² Lino u Peteli na vanine avu vale paninie vale ni tulo inchitu. Lino vuvasisimwikhe, vakhavuvona uvuvalanche, na avagosi vavili vaimile pupaniny nu mwene. ³³ Yikhahumila ukhuta, vuvihega khwa u Yisu, Petro akhanchova, “Itwa, lunavu khulyufwe ukhutama bahapa yinogyiwa tunchenga ifivanga vitatu. Ikyavi Yisu ikya Eliya nu Mose, “Salumanye ikhianchovaga. ³⁴ Usikhi uguanchovaga ago, likhinchailifunde; likhavagubikha vakhadwadavuvilola viwonavanjonguliwe na mafunde. ³⁵ Inyilango ikhaluma khumafunde iyiyita, “Uywuya mwana vango uviahaililwe. Mupulikhage umwene.” ³⁶ Inyilango vuyiutsige mye, u Yisu akhava mwene. Vatemile miyee, khusikulyo nu khusita unchova khinu ukhwa venjaga muvala avalivwene. ³⁷ Isikhu iyiyakhongile, vuvahuvunile khukyamba, lulundamano uluvaha ulwa vanu vakhagana

nave. ³⁸ Lola, gosi ukhuhuma khululundamano alyelile khulimenyu, ilivaha akhata, “Imanyisi nikhukhudova uudole u mwana vango, ulwakhuva mwana vango alimwene yuyuywa. ³⁹ Wilola inumbula injafu nu khwibata, nukwava mukhuvikha ihya nchelihano nu khuhuma amatutumelo mundomo. ⁴⁰ Lyoyihuma khulususuvele, iyeyikhumbikhauluvavo uluvivi. Navumilinche avakhongi ukhulole ihume savawesye.” ⁴¹ UYisu aandile akhanchova, “Umwe mwikhikholo ikhisakhwidikha na khila ikhiyagile, ukhuhumaga ndili nu khutama numwe nukhutolana iminjigo numwe? Undete umwana.” ⁴² Udimi uyu ainchaga, unumbula ikhagwisa pasi nu khusukhanje khumakha. Lino u Yisu adukhile inumbula imbivi, pu akhaponya udimi, nu khupa udadaye. ⁴³ Voni vadegile nu uvuvaha uwa uwa Nguluve. Upu vale valikhudega mambo goni ugukhavombikhe, anchovile na vakhongi vamwene, ⁴⁴ Amamenyu gatamage vuvubulukhutu mbene, ulwakhuva u Mwana va Adamu ayihumya mumovokho ga vanu.” ⁴⁵ Ulwakhuva savalumanye amamenyu ago ukhuta gafihiwe muuliho gavene mukhuta vakekhe ukulumanya, vadwadile ukhuvuncha khulimenyu ilyo. ⁴⁶ Pu uvuhomelehaniye vukhatengula mumbene vene uvakhuva imbaha. ⁴⁷ Pu u Yisu vualumanyile ikhivavuncha niyaga movumbula nchavene, akhatola umwana ndebe, nu khuvikha khumwene, ⁴⁸ Pu akhata, “Umunu uvikwipila umwana udebe, khulitawa lyango, amakhile une nu vavenchaga, angamokhele une apokhile uviasuhile, umwe, veni udebe

umwe mwivoni viiva imbakha” 49 U Yohani akhanda akhata, “ITwa, twambene unu vuvinga ilungoluve khuliwa lyakho pu tukhabencha, ulwa khuva sigenda nufwe.” 50 Pu u Yisu akhambula, “Mlabenchaga, alekhe ukhuva khusana khulyomwe vinyo” 51 Usikhi vugufikhe ugwa khuluta khukyanya, amicho gamwene galikhulola khu Yelusalemo. 52 Akhasukha avafuasi khuvolongolo khumwenen, na vene vakhaluta nu kwingela khukhi jiji ikyava Samaria vavunganiye apakhuva. 53 Pu avanu avakhusamaria savapokhele, ulwakhuva alolile anuho khu Yelusalemu. 54 Avakhongi va mwene u Yakobo nu Yohani vuvalolile eli, vakhanchova, “UTwa inongwa tulamule umwoto gwikhe pasi ukhuhuma khukyanya gavanyanye?” 55 Pu akhavasyetukhila akhava dukha. 56 Pu vakhaluta ikhijii igingi. 57 Vuviluta munjila ya vene umunu yumo akhavavula, nikhuvakhonga padebepadebe khuwiluta.” 58 U Yisu akhambula akhata, “Mbweha valineliguli ifidege ifya khukyanya filine nu uvufumba, lino mwana wa Adamu imbula apakhuvikha utwe gwamwe.” 59 Pu akhambula umunu uyunge, “Ung'ongagae pu umwene akhanjova akhata, “ITwa, nidova tasi nikha siyele udada vango,” 60 Pu umwene akhambula, “Valekhe vasilanage avafyule, vavasilye avafu, lino uve lutaga ukhanchovage uvuvakha wa Nguluve ikhilunga kyoni.” 61 Pu umu uyunge akhata. “Nikhukhukhonga, Utwa, pu nita uwe isikhi tasi nikhilage khuvanu avitami khunyumba yango.” 62 Pu u Yisu ambula akhata asikhuli

umunu uvikwingi ncha amavokho ga mwene ukhulima nu khulola khusana uviiva nu ludeva ulwa khukyanya khwa Nguluve.”

Ondyago gwa 10

¹ Pu usikhi ugwa mbombo eyo, Utwa akhanchagula avange “70” nukhuvasuha, vavili vavili vamtalile ukhufikha, ukhu anogwa gwa ukhuluta. ² Akhavavula, “Uvubeni wingi, lino avavomba mbombo vadebe. Pu tuolove Utwa uvi ibene, pu asuhe nambevi avavomba mbomboavakhubena. ³ Lutaga ikhi lunga kyoni. Mulolage, nikhuvasukha ndi ng'osi pagatinapagati pa Mbwa mwitu. ⁴ Mulugeka upakho ugwa hela, nu pakho ugwa vigenda, na viatu mlekhaga nu khusamusya umunu, munchela. ⁵ Munyuba iyakhiva mukwingela mutenchage, ulunonchehencho luvenchage nuve munyumba iyi.’ ⁶ Pu umunu angave nu lunonchenchencho iva pwale, ulunonchehencho lwinyo lusigala pamwene lino ingave bakho, lukhivilivukha khulyumwe. ⁷ Sigalaga munyumba iyo, mulinchage nu khunywa ikhiyakhiva vihumya, ilwakhuva umbombambomba inogiwa ukhupata usahara. Mlahegaga nu khuluta inyumba iyinge. ⁸ Uvunjenge uwavenchaga umuyakhiva mukwingila nu khuwapakhela, linchaga kyokyoni ikhuyakhiva vikhuvaletela khumiho agenyo au khundongolo, ⁹ Ponyaga avatamu avamuvale nukhuvavula. Uvutwa wa, “Nguluve vukwinha vulipipi’ ¹⁰ Lino imbunjenge uwavenchage umuyakhiva mukwingila nukhusita ukhuvapokhela mlutage

khu, namunchila nchovaga, ¹¹ Utundukhulu imbunchenge wenyo ulyumilile mumalunde gyito tusanyana khulumwe! Pu mulumanyage, uvutuna wa Nguluve vuhegile.' ¹² Ni khuvavula ukhuta uvuhigi vuhegulile ukhulutilila khu Sodoma. ¹³ Ikyole umwe mwi va Korazini, mwekyale mwi va khu Bethsaida! Ingave imbombo imbaha incha vombikhe mugati indyumwe, yavombeliwe khu Tiro nu Sidoni, vavidova uvusyikhilo ukhuhuma khatale fincho, vagave vitama mugati mumwenda igya magunila ne lyela. ¹⁴ Lino yiva nu khwiyumilinda fincho nu khuhigiwa nu Tiro nu Sidoni fincho numwe. ¹⁵ Uve vi Kapernamaumu, vusaga ayuvikhugwimekha ukhuluta khukyanya? Bakho, yuvikhukwisya pasi khuvunchukha. ¹⁶ Mvikhuvapulehyincha umweikhumulihincha une, nu vavnchaga uviyakhiva ukhuvabela ikhumbela vune, nuyakhiva ikhumbela une ambelilyeuviansuhile" ¹⁷ Avo 70 vakhilikhe nu kuhovokha, puvalikhu nchova, "Utwa, na gamanguluve gikhutwidikhila khulitava lyakho." ¹⁸ Yisu akhavaavula akhata, "Nambwene undugu vuigwa ukhuhuma khukyaya ndi enjasi. ¹⁹ Lola, nivapile imbombo nu khukhada injokha ne enge, na makha goni nu khu sinda undugu, sa khulikhinu ikhiyakhiva mulemwa khu njila iyo khiyakhiva khikhuvale mauncha. ²⁰ Lino mlekhe ukhuviginya ukhuta inumbula nyikhuvudikhila, pulino muhovokhsge ingave amatawa ginyo gasimbiwe khukyanya." ²¹ Pu uskhi gulagula

ahowikhe fincho khu mepo umbalanche, nu khunchova, “Nikhukhugyiniya uve, Dada, Vitwa va khukyanya na pasi pa khilunga, ukhuva ufihile imbombo inchi ukhuhuma khuvanyavulweli nu luhala, nu khugagubatula khu vala avasavimanyisiwa, khuvanaavadebe. Khemene, Dada, ahowikhe khumiho khuvaene.”

²² Pukhila khinu kyavikhiwwe khulyone nu Dada vango, khisikhu ikyakyumanya umwana viveni nu Dada, pu asikhuli uvikhulumanya u Dada viveni nu mwana. “Nu vyavenchaga, ukhuva umwana ainogwa ukwigubatula khumwene.”

²³ Avasyetukhile avakhongi, nu khunchova, khwa khwiyuvilila, “Msayiwe vumukhugavona aga ukhuva umwe, mukhugavona.”

²⁴ Nikhuvavula umwe, ukhuta avanyamalago vingi na Vatwa vanogilwe ukhulola imbombo i nchomukhunchivona, pusavanchiwene nu khupulikha, savagapulikke.”

²⁵ Lola, umanyisi umongi uvandagilo incha khuyahudi avenue nu khugela, akhanchova, akhata, “Imanyisi, negahe ndakhikhi ukhuta nincheningile khuwomi uwasikhu nchoni?”

²⁶ U Yisu akhambula, “Kyandikhiwe khikhi mululagilo? iyi vukhwimba khikhi?”

²⁷ Akhanda akhata, “Vukhugana Utwa Unguluve vakho ne numbula yakho yoni, ulwakhuva inumbula yakho yoni, yilinamakha goni nu luhala lwoni nu yunywa mubadihine nu mbili gwakho yuve.”

²⁸ U Yisu akhanchova akhanda, “Nu vuyilweli woni. Vomba nde vutamaga.”

²⁹ Pu umanyisi, anogwaga ukhwivalila uvuyilweli mwene,

Akhambula u Yiau, “Nu uvivabadilikhine iva veni?”³⁰ U Yisu akhanda, “Umunu unongi aikhaga ukhuhuma khu Yerusalemu ukhuluta khu Yeriko. Akhangwela pagati pa vanyambuna, vakhapakha ikyuma kyoni nu khutova nu khundekha pu akha pipi nu khufwa.³¹ Khukhafika usikhi ukuhani aikhaga khu njila yiyiyo, vualolile akhagenda injila iyinge.³² Na yu Mlawi navope, afikhe pa nchila akhambona vope akhagenda khulukha nji.³³ Pu Usamaria yumo, vuigenda munchila, akhambona umunu agatile ilonda ukhufwa, khikhambona ikhisa.³⁴ Akhahegelela nu khukhunga ifikholo fyamwene nu khubakha imono mufikhoho ne divai pakyanya pa mwene. Akhatoncha pakyanya pa khikhanu kyamwene nu khung'elikha khunyumba iya vahesya nu khundolela.³⁵ Isikhuiyikhongile atolile dinali ivili akhapa uviandolelaga nukhumbula, antangaga khukyavenchaga ikhiyakhiva khilutilila ayunihomba vunikhiliwikhe.’³⁶ Pu veni khuvanuvadatu, uvinubadisine va pa wipi, khumunu uviagwile na vanyambuda?”³⁷ Umanyisi akhanchova akhata, “Vi ula uviavonisye ikisakhu mwene, “U Yisu akhata, “Lutaga ukhavombaga vulevule”³⁸ Lino vuvigenga vaingile khu vunjenge, nu dala yumo ilitawa vi Matha amwopilile munyumba iya mwene.³⁹ Ale nu nunave uvialilangiwaga Mariamu, atamile mumalunde ga Ntwa nu phupulihinja ilimenyu lye mwene.⁴⁰ Lino nu Martha aitwikhile imbombo nchoni incha ukhutelekha ikyakhulya. Alutile khwa Yisu,

nu khuta, “Itwa, pusewusaga ukhuta umbaha vango andekhile punivomba? Lino imbule anange imbombo.” ⁴¹ Pu U Twa akhanda nu khumbula, “Martha, Martha, vukhigatancha khu mbombo inyingi, ⁴² lino khukhile ikhinu khimo ikhinonu, Mariamu alondile ikhinu ikhinonu, ikhisakhilaha, ukhuhuma khumwene.”

Odyango gwa 11

¹ Gwahunule usikhiU Yisu upu eusayaga mwene, ukhongiyumo ambulile, “Itwa, utumanyisye ufwe ukhwisaya ndu Yohani umuavaama nyisye avakhongi vamwene.” ² U Yisu akhavavula, vumukhisaya, 'Munjovage, 'Dada, ilitawa lyako limikhiwe. uvutwa wakho winchage. ³ Utupinchage ikhisyesye kyitu ikya sikhu nchoni. ⁴ Utusyiekhilage inogwa nchitu, ndavutukhuvasyikhila avange voni avatunangile. Utatuvikhaga indugelo.” ⁵ U Yisu akhavavula, “Veni khulumwe iva nu gane va mwene, uvikhunelutila pakhilo nu khubula ugane ukhuta unyanchime ifisyese fidatu. ⁶ Ukhuva umanyani vango anyinchile lino ukhuhuma khusafari, une nilinchila khinu ikya khupa.” ⁷ Nulu ungaligati akhanda, ulangata nchaga, undyango gufungiwe na vavana vango, tumalile ukhuluta gwigona saniwesye ukhuhusisuka ne khupe uve ikhi syesye. ⁸ Nikhuvavula, ndave sisimkha nu khukhupa ikhisyesye ingave umanyani vakho ikwendelela ukhugonga khisita isoni, isisimukha nu khukhupa

ifivungutikhilo inya khisyesy e ukhuhwanana nu muvunogelwa uve. ⁹ Navyune nikhuvavula nita, wiwisayage, ayumwikwidikhiwa lomelaga yumwipata, hodenchaga ikhikhuvadintulila. ¹⁰ Ulwakhuva umunu uviavenchaga angadovage vikhupa uviilonda ikhupilila, nu vikhohona vikhudindulila. ¹¹ Veni udada mugati indyufwe umwana, angadove isomba ikhupa injokha? ¹² Angadove ilikhala ikhupa inge? ¹³ Lino, ulwakhuva umwe mlinuwvivu, mlumanyile ukhuvapa avana vinyu uluhovokhilo ulunonu, lino udada uvakhu kyanya syio fincho? Ukhuta ikhuvapa umepo umbalanche khu vala avikhudova?” ¹⁴ Pu ugunge usikhi, u Yisu alikhu vinga khuminguluve, nu munu unyaminguluve nu nyamisetano akhava khitanchova. Ilietano lyavile lihegile khumunu uyo, umunu uyo awesinche ukhunchova avanu vadegile fincho. ¹⁵ Avange vagelile wakhata uyu ihencha amanguluve aga Beelzebul, umbaha va mnguluve ¹⁶ Avange vagelile nukhulondo avavonesyie ulugelo ukhuhuma khukyanya. ¹⁷ Pu u Yisu agamanyile amasago gaaaavene nukhuvavu, “Uvutwa uvuyakhiva vugava yumwa wene, ne khya yiyo yigavile yuyigwa. ¹⁸ Ingave undugu usetano iva agevile, uvutwa wamwene ayuvukwima ndakhikhi? Ulwakhuva mwinchova, mwita ncheucha amanguluve aga Belzebuli ¹⁹ Ingave une nihencha amanguluve ga Beelzebuli, lino avanyinyo vihiencha amanguluve khu nchila yilikhu? ulwakhuva iyi, avene yuvikhu vahiga umwe ²⁰ Lino,

umwe ingave muhencha amanguluve khu khivokho kya Nguluve, pu uvutwa wa Nguluve vuvinchile. ²¹ Umunu uvyalinamakha alinifilwilo ifyakhulolela uvunjenge wa mwene, ikyuma ni finu fitaneavunonu. ²² Lino vangavamile umunu unyamakha ukhulutilila, nu munu uvya linamakha angapokhe ifilwilo vyamwene, nu khutola ikyuma kyamwene kyoni. ²³ Umwene uvialikhutali nune hange, khusana khulyune nu khusitaukhulundanya paniye une niyevaniya. ²⁴ Amanguluve amavivi agagihuma khumunu, gagiluta nu khulonda baho amagasi pungale nu khukhekha. Upuyakhiva awene alemilwe, pu inchova, ninogwa ukhukhilivusukho ukhunahumile. ²⁵ Angavuye nu khuvona uvunjenge wa mwene, vukhuniwe nu khutama vunonu. ²⁶ Lino puiluta khulonda amanguluve 7 avavivi ukhulutilila umwene nu khuvagega vatame upualipo. Nu munu numunu uyo iviva nu vupala fincho, ukhulutilila.” ²⁷ Wahumile ukhunchova amamenyu ago udala yumo ahuminche ilimenyu khuvukhali, ukhulutilila khuvoni khululundamano ulwa vanu nu khunchova, ²⁸ “Ligatalufu ilitumbu ililyakhu holilene livele iliwaohile” Umwene akhanchova akhata vasayiwe avavipulikha ilimenyu lwa Nguluve nu khulivika vunonu. ²⁹ Pu usikhi ugwa vanuvuvikhindamaniya nu kwongesekha, u Yisu akhatengula ukhunchova “Ikhivumbukho ikhi ikhivumbukho vuvivi, khilonda khuvonesya nu khuta khisikhuli ikya khuvonesya ikhivapatile ukhulutilila nu Yona ³⁰ Uvunonu nu Yona upuale

nu khuvaneya khu vanu ava khu Ninawi, vuyayiva nu mwana va Adamu uvuyakhivaiva ukhuvonesya khu khisasi ikhi ³¹ U Malkia vakhu kusini ayikwima ikhigano ikya vuhigi na vanu ava khisasi ikhi nu khuvahiga avene ilwakhuva avene vahumile khu vumalilo wa khilunga ukhuta inche apulihinche uvuelwada uva Solomoni, na apo pwale uviale imbaha ukhulutilila. ³² Avanu va khu Ninawi ayuvikwima khu vuhigi, ulwakhuva va khuti uvusiyiekhilo uva limenyu ilya Yona nu khulola, apa khwale umbaha, ukhulutilila u Yona. ³³ Asikhuli umunu avavenchaga uvikhunga ikhoroboi nu khuvikha pasi pa hisi yilekhe ukhuvone kha pasi pa khitunda, umwene ikhunga nu khuvikha pa kyanya pa khunu ukhuta umunu nu munu uvikwingila aluvonage ulumuli. ³⁴ Iliho lyakho lumuli lwa mbili gwakho iliho ligave linonu nu mbili gwiva inonu gwiva ndumuli. ³⁵ Lino iliho lyakho lingawe liva liviviv numbili gwiva imbivi gwoni gwiva muhisi. Lino mwilolelaga, ukhuta ulumuli lulwa lulimugati indyumwe lulekhe ukhuvikhiwa ihisi. ³⁶ Lino valume ingave, umbili gwakho gwoni guli mundumuli pu khusikhuli ukhuva muhisi, pu khukhuta umbili gwakho gu hwanana ne khorobui iyikhwakha nu khuhumya ulumuli khulumwe.” ³⁷ Avile amalile ukhunejova, Farisayo adovile akhale ikyakhulya khukya ya mwene. Nu U Yisu akhungila mgati nu khuva pa nuye numwene. ³⁸ Na Vafarisayo vakhaswiga ukhuva sakhalave amavokho vusategwile ukhulya ikyakhulya ikhya khukhimihe. ³⁹ Pu

khuludeva akhavavula, “Umwemwi Vafarisayo mwisukha ifikhombe khunchi ne bakhuli, humbe mugati indyumwe mudigile unogwe uvuvi. ⁴⁰ Umwe mwi vanu yumwe munchila khulumanya, ingave uviapelile khunchi lino sa pele na gati? ⁴¹ Vapinchage avaganju agagati ni mbombo nchoni nchiva nonu khulyamwe. ⁴² Lino mwilolilage Vafarisayo, ukhuta muhumya isadaka iya mnanaa nu chicha ni kyavenchago ukhuhuma khukyalo. Pu umwe mugalekhile agavuyilweli nu khubela agaNguluve. Lunonu fincho ukhuvomba agavuyelweli nu khugana u Nguluve, khista khuvomba ago. ⁴³ Mwikyole mwiVafarisayo ukhuva mwinogwa ukhutama mufigoda ifya khuvulongolo khu masinagogi nu khukhuponya ukhufugamo. ⁴⁴ Mwilolelage mukwanana na mapuvuba aganchila khimanyilo kya munu pe avanu vigenda pa kyanya khista khulunya.” ⁴⁵ Umanyisi yamo uva ndagilo incha vayahudi akhanda nu khuvavula, “Imanyisi, ikhiwinchova khikhutukhalanja nayufwe.” ⁴⁶ U Yisu akhanchova, “Mwilolelage, indagilo ulwakhuva mukhuvapa avanu iminchigo imivaha igisaviwesye ukhwitwikha, lino umwe samu palamasya iminchigo igyo vulevule ukhutwanana mekhi melelenchi ikya mavokho gito. ⁴⁷ Mwilolelage ulwakhuva mujenga nukhuvikha ikhi khumbuhincha khu khumapumba agavanyamalago avuvabudiwe na vakhukhu vito. ⁴⁸ Lino numwe mukhwidikiwa nu khwidikha khumbombo inchivavobile avakhukhu vito ulwakhuva vavabudile

avanyamalago kya mapumba gavene.
⁴⁹ Ulwakhuva khuvunonu uwa Nguluve inchova ita, “Nikhuvasuhila avanyamalago na valumbeleli avene vikhuvatesya nnu khuvabuda avange. ⁵⁰ Ikhivumbukhu ikhi yukhivomba khukhisa ugwa vanyamalago avuvabudiwe ukhuhuma pavutengulilo wa khilunga, ⁵¹ Ukhuhuma ukhisa gwa Abeli nukhisa ugwa Zakaria, uviabudiwe pagati pa khitekhela pa vuvalanche. Lweli, ni khuvavula umwe, mwe vakhivumbukho ikhi ayukhivomba. ⁵² Mwilolelage mwi vamanyaisi va ndagilo incha khiyahudi, ulwakhuva mtolile indindulilo incha vutwa, nu mwe samukhwingila, na vavinogwa ukhwingela, mukhuvakhilwala.” ⁵³ Usikhi u Yisu ugwa khuhega pala, avavigi na Mafarisayo vabelile nu khugatanchiwa nu khuhigiwa, khu mbombo inyingi. ⁵⁴ Vagelile ukhumwibeta khumamenyu ga mwene.

Ondyango ugwa 12

¹ Khu nsikhi ugwa amakhindiga ga vanu valundamane pupaninye nu khukhadana, akhatengula ukhunchova na vakhongi va mwene tasi, mwilolelage ni khiluve ikya Vafarisayo avuvene, “Viva vanyalubedo”
² Sapakhave ne siri iyifihime iyiyo sayigubatuliwe, nikhunu khikyo khikhafihime, khile khe ukhuvonekha. ³ Linio lola ilyumwa nchovaga vumilimuhisi, pulipuli khikha vulimu ndumuli. Nu vavenchaga vumukhu ganchova mumbulukhutu igati mu nyumba nchenyo

ivikhungiwe filanchovaga khu kyanya khu nyumba. ⁴ Nikhuvavulamincha vayangamula dwadaga avibuda umbili, ulwakhuva va livuvule ukhinu ikya khuvomba, ⁵ Lino nikhuva vunga uvakhu dwada. Mudwadage ula uvuyakhiva ibuda nu anayelweli woni nu khutaga khujehanamu. Kweli, nikhuvavula umwe mudwadage ujwua. ⁶ limo shamoro5 savigunchi wa kundalama ivili? Pu asikhuli numo uvi yakhuva ga Nguluve. ⁷ Lino pu mulumanye ukhuta, injweli ncha twe gwinyo nchivaliwe mulwadwadaga. Umwe muliyavaha nukhu dwanchiwa. Khuvuvaha khisita ishomoro inyinyingi. ⁸ Nikhuva, vula uviavenchoga uviyakhiva ikhunjidikha une khumiho ga vanu, nu Mwana va Adamu ayikhumwidikha khumiho ga vasung'wa va Nguluve. ⁹ Umunu uvavenchaga uviyakhiva inchova ilimenyu ilivivi khu mwana va Adamu, ayisikhiliwa, ¹⁰ lino uvavenchaga, uviibeda khu mepo umbalanche, sakhasyekhiliwe. ¹¹ Vuyakhiva vikhuvahilikha khuvulongolo khu vavaha avasinagogi, na vatwa na vakhilunga mulwadwada nu khu nchova nu khunchova vu mukhitetela, ¹² khikyo mwinchova, Pu umepo umbalanche ayikhuva manyisya umwa khunchovela khu sikhi ugwa." ¹³ Umunu umo nu lulundamano akhambula, "Umanyisi, umbule ulukhololwango angavile uluvafu lwango." ¹⁴ U Yisu akhanda, veni uviambikhile ukhuva indamunchi nu khulihava imbulongolo winyo? ¹⁵ Pu akha vavula, mwilolelage mu mhombo iya vunogwe, ulwakhuva uvumi

wa munu vusi khuli nu vumofu uwa finu ifi alinavyo.” ¹⁶ U Yisu akhavavula ikhahwa na nicho, akhanchova akhata, ikyalo kya munu yumo utayili, ¹⁷ kya motikhe fincho, Akhivuncha mugati akhata, nelivuvule apakhuvikha imote yango? ¹⁸ Akhanchova, nivomba ndeenidenyanya ifibana vyango ifidebe nu khunjenga ifibana ifivaha, nu khuvikha imote yoni ni finu ifinge vyoni. ¹⁹ Nu khuyivula inumbula ukhuta,” numbula wivekhile ikhibana ne vinu vyooni khusikhi ikya miakha gimingi. Tama, nu kuhovokha, uliuchage nukhunjwa nu kuhovokha.” ²⁰ Lino UNguluve akhambula, uve vi munu ulipelwa, ikhilo iyi vinogwa inumbula yakho ukhuhuma khulyuve, ni finuvyoni ifiwavekhile fiva vyani? ²¹ Vunylava umunu nu munu uvivekha ikyuma ulekhe ukhwita yilisya khu Twa. ²² U Yisu akhavavula avakhongi vamwene, pu lino nikhuvavula ukhuta, mlekhe ukhu susuvala khukya muhiitamile ginyo ukhuta mwilya khikhi, mufwala khikhi. ²³ Ulwakhuva imitamile khulutilile mukyakhulya, nu mbili gulutilile mummyenda. ²⁴ Mulolage ifidege ivya khukyanya, safilina nu khubena. Valivuvule inyumba na khikhi bana ikya khuvikhila, lino uDada veto, ikhikhualisya. Umwe samuli vananu ukhulutilila fincho ndi fidege! ²⁵ Pu pwale veni uvi ikhigatancha imbutamilo wa mwene? ²⁶ Ingavesanuvomba imbombo indebe khikhukhwi gatancha na gange goni? ²⁷ Mulolage amavuva - vugimela. Sagivomba nu khubota ulwakhuva. Nikhumbula, na yu Sulemani khu vuvaha wa

mwene woni savikhiwe ukhuva vope pwale,
²⁸ Ingave Unguluve si vikha vunonu ilinyasi khuvunambalililo, ne lelo pugale, khilavo vitaga khumwota. Lino silutilila ukhuvavikha umwe? Umwe mwi valwidikho ulusupi!
²⁹ Mulagatalaga ukhuta twilya khikhi nu khunywa khikhi mulavenchaga nu vugwanchi.
³⁰ Ukhuva avavaha va khilunga vigatanchiwa ne nchakhilunga. Nu Dada vito ulumanyile ukhuta mulonda ago. ³¹ Lino mulondage uludeva tasi pu agange ikhuvongelenchaga, ³² Muladwadaga, umwe mwikhipunga ikhidebe, ulwakhuva u Dada veto ihavokha ukhutupo ufwe uludeva.
³³ Gunchaga ikyuma kyonu nu khuvapa avaganchu, mwivikhile imepakho igisagisila ne lakhiba khu kyanya iyisayisila upu avalyasi savakhahedelele na yi nondo sayikhawese ukhubungua. ³⁴ Ulwakhuva upunylipo iakhiba puyilipo na yi numbula yakho.
³⁵ Imwenda gieto give nutali give gikhungiwe nu khandu, gwa taa nchinyo nu khulola ukhuta nchikwe ndelela ukhwakha, ³⁶ Nu khuva nda vanu avikhundola Utwa vavene ukhuhuma khuluhekhelo ulwa vutegulani, ukhuta aginche nu khuta, puvu khudindulila undyango na mbivi igele. ³⁷ Vasayiwe avavombi avuvene Utwa ayikhuvavona valimiho. Lweli ayikhunga mienda imitali nu khandu, nu khuvatamikha pasi khukhulya nu khuvapa linchaga. ³⁸ Ingave Utwa ikhwincha khusikhisikhi pu uvuloleli uwa pakhilo nu wa sikhi khadatu (3) yu vuloleli nu khuvavona ukhuva viyandalile, viva vagatalufu avavombi

avo. ³⁹ Ukhulutilila nago, mungalumanye ukhuta umunu ikhwincha khuhincha sakhale ikhuyilekha inyumba vebomole. ⁴⁰ Muvenchage miho, ulwakhuva samulumanyile usikhi ugu ikhwincha umwana va Adamu. ⁴¹ u Petro anchovile akhata, "Itwa, vukhutuvula yufwe ifi khwani, nukhumbula umunu nu munu? ⁴² U Twa akhavavula akhata, "Veni umbanda unonu nu nyaluhala, uve Utwa va mwene ikhu mbikha khukyanya khuva mbombo avange ukhuta avapinchage ikyakhulya kyavene khunsikhi ugwa venchaga? ⁴³ Asayiwe umbaha uvi Utwa va mwene anginche ivona ivomba imbombo yila iyakhambulule ukhuvomba. ⁴⁴ Lweli nikhuvavula umwe ukhuta ikhu mbikha khukyanya khu kyuma kyoni. ⁴⁵ Lino umbaha ula anchovile munumbula mumwene, "Utwa vango inchelewa ukhukhilivu kha; pu akhatengula ukhuvatova avambombo voni, avagosi na vadala pu akhatengula ukhulya nu khunywa nu khugala, ⁴⁶ utwa vamwene nu mbanda ayikhwincha pa khigono ikhisakhivo nekha nu sikhi gugwa sugumanyile, nu mwene ayigida tusekhele tusekhele, nu khuvikha pupaninye na avasava vikhwelewa' ⁴⁷ Umbaha, uvyalumanyile uvugane wa Ntwa wa mwene nu mwene sakhivikhe vuuonu nu khuvomba vuuonu nu vugane wa mwene, nu khutoviwa ne mbikhi inyingi. ⁴⁸ Lino umbaha uvesalumanyile uvugani wa NTwa va mwene, pu akhavomba agilondiwa, ayitova imbikhi ndebe, ulwa khuva uvivapile fingi, ifingi vikhufilonda u khuhuma khu

mwene, nu mwene uvivamwamini khu fihele likhe, khu mwene ayufilonদিwa ifihelelikhe ukhulutilila. ⁴⁹ Ninchile khukhoncha umwoto mukhilunga, ninogwa guve gwakhile, ⁵⁰ Pu luno nelinulwoncho ulwa khwonchiva, nu khuva nulususualo ukhufikha khuvumalilo! ⁵¹ Lino, usaga mwita ninchile khukhuvapa ulwidikho mukhilunga? Bakho, nikhuvavulanincha, ukhuta neletile ukhulekhehana. ⁵² Ukhuma lino nu khwendelela yukhuva na vanu 5 munjengo yimo nukhugavaniya radatu viva khusana na vavili, na vavili viva khusana na vadatu. (3). ⁵³ Yuvikhigava, udada iva khusana nu mwana, nu mwana ayiva khusana nu dadaye, uvanina iva khusana nu ng'inchava mwene, nu vanina ukwive iva khusana nu khwive va mwene. ⁵⁴ U Yisu akha vavula avanyalulundamano nave, "Ukhuta vumuvona amafunde vugihumila khuvuhumo, mwinchova usikhi ugwa fula gufikhe vuyilivo vuyakhiva yiva, ⁵⁵ Ne mepo ukhuhuma khuvutegulilo wa khilunga nu khuluguto, mwinchova, pupalava na mafukhe amakhali, vuyilava. ⁵⁶ Umwe mwe vanyagila, muwesya ukhulesya imigendele igiya khilunga na khukyanya, lino yuyiwa ndakhikhi samukhawese ukhwelesya usikhi ugupugule? ⁵⁷ Khikhi umunu nu munu alekhe ukhukhwihiga ilya lweli? Khu mwene ukhu vomba usikhi ugwalinago nu sikhi ugwakhuvomba evo? ⁵⁸ Ungave vuluta nu vihegiwa vakhe khuvulongolo khwa uhakhimu, nitangage ukhwibatana nu vihigiwa vakho vulimumule mulinchila alekhe ukhukhuhilikha khwa akhimu, nu hakhimu akhuhilikhe khu

ofisa, nu ofisa akhakhutaga khulumande. ⁵⁹ Ni khuvavula, ukhuhuma ukhwa akhuhombile ukhuhuma khumwisyo ne senti iya mwisyo.

Ondyango ugwa 13

¹ Khunsikhi gugugwa, khwale na vanu avambulile ukhuta avagalatia avu u Pilato avabudile nu khuhanjaniya nu khisa gwavo ne ni vyavupe. ² U Yisu aandile nu khuvavula, “Lino mwita avagalatia avo vale nu vutula nogwa ukhulutilila avagalatia avange voni khe mene vupilile nu vavivi iuwa? ³ Bakho, nikhuvavula, nete mungave samkhute, umwe ayumwiyaga vutevule. ⁴ Upu vale avanu “18” khusiloomu upu unara gwagyile nu khuvabudi pumsaga ukhuta avene vale nuvulula nogwa ukhulutilila khu vanu avange khu Yerusalemu? ⁵ Bakho, une ninchova, mungalekhe ukhukhuta, umwe mwivoni punikhwavela. ⁶ U Yisu avavulile ikhikhwani ikhi, “Umunu umu ale ne libikhi avyalile khu khyalo khya mwene nu khuluta khulonda isekhe khukya na sapate. ⁷ Akhambula uvi alolelaga ikyalo, 'Lola, khu miakha gi datu nainchile nukhugela ukhulonda isekhe khu bikhi ugwa sanapate khinu. Udumule. Ulwa khuva gutela uvuvivi uwa khilunga? ⁸ Uvi lolela ikyalo aandile nukhunchova ukhuta, 'Ugulekhe umwakha ugu nilinilile nu khuvikha imbolela, pakyanya. ⁹ Gunguhupe isekhe umwakha ugukhwincha lunovu, pu; gungave saguhupa, ugide!” ¹⁰ Lino u Yisu ale nu khumanyisya khu vanu vaninye na vasinagogi

khusikhi ugwa sabato. ¹¹ Lola, alepwale ujii umu uvi ale ne miakha “18” ale ne mumbula inchafu, nu mwene ale abudiwe imbula mbaubo iyave nchaga na khukhwima. ¹² U Yisu vuambwene, akhamwilanga, “akhambula, “Jiu, uvikhwe ukhuva mbulegefu ukhuhuma imbupepe wakho.” ¹³ Akhambikha amavokho gwa mwene pa kyanya pa mbili ugwa mwene akhimikha amavokho nu khuginiya Unguluve. ¹⁴ Pu umbaha va sinagogi avipile ukhuva u Yisu aponinche umunu isikhu iya sabato. Lino umbaha va khilunga akhanda akhavavula avanyalulundamano, “Khulo isikhu 6 incha khuvomba imbombo. Mwinchage khupokhiwa wonela isikhu iya sabato. ¹⁵ Utwa akhanda nu khunchava, “avanyagila vasikhuli nu mo ukhudindula ipunda yakho, isenga ukhuhuma khulipalo nu khwalongoncha ukhulua khwinuwa isikhu iya sabato? ¹⁶ Lino avahincha va Abrahamu, avuvene undugu akhungile khu miakha “18” lino wanogilwe ikhi khungilwa ikhyo khilekhe ukhudinduliwa isikhu iya sabato?” ¹⁷ Vu inchova amamenyu ago vala voni avabelile vakhavona soni, pu avanyalulundamano voni na vange valulutile ulwakhuva amambo agakhudega agu avombile. ¹⁸ U Yisu akhanchova, “Uvutwa wa Nguluve vukhwanine ne khikhi, vuwesya ukhukhwananincha ne khikhi? ¹⁹ Nilindi mbegu iya haradai iyiatolile umunu umu nu khuyivyala mukyalo kya mwene nu khumela ukhuva libikhi ilivaha, ni ifidehe ifya khukhyanya vikhajenga uvufumba wavo mumasesi aga bikhi. ²⁰ Hange

akhanchova, “Nu khukhwananincha nu vutwa uwa Nguluve? ²¹ Yale ukhuta khiluve ikhi udala atolile nu khuhanchaniya khuvigelelo fidatu “3” ifya vutine nu khutoga.” ²² U Yisu agendile imbunchengene vijiji munjila vuiluta khu Yerusalemu nu khuvamanyisya. ²³ Umunu umo avunchehe, “Itwa, vuvale avayakhiva vipokhiwa?” Lino akhavavula, ²⁴ “Witange ukhwingila ukhugendela undyango usekhele, ulwakhuva vingi yu vigela nu khusita ukhwingila. ²⁵ Nu sikhi ugwa undoleli va nyumba ukhima nu khudinda undyango, pu mukhwima khunji nu khugonga ndindulilo nu khunchova, Itwa, Itwa, tudindulile, umwene akhanda nu khuvavula, sanivamanyile umwe nu khuvuhuma.” ²⁶ Pu yumwinchova, Twalile nu khunywa khuvulongoo khu vene, wa manyisye khuvunchege uweto.” ²⁷ Pu umwene akhavanda, sanivamanyile ukhumwihuma, hega khulyune, umwe mwivavomba imbivi!’ ²⁸ Khulova nu khulila nu khuheveta amino khusikhi ugulava mkhuvavona u Abrahamu, Isaka, Yakobo na avanyaalago voni khu vutwa u wa Nguluve, nu umwe yumwe mutagiwe khunji. ²⁹ Valincha ukhuhua khu vuhumo, na khuvusemo, khunena na khusikha, nu khugatalukha khu khisancha iya khya khulya ikya pa khimihe khu vutwa uwa Nguluve. ³⁰ Ne lumanyile ukhuta uva khuvumalilo iva vakhuvumalilo.” ³¹ Usikhiusupi, pongela gwiva gwaMafarisayo vainchilenu khumbula, “Luta nu khuhega apa ulwakhuva u Herode inogwa ukhubuda.” ³² U Yisu akhanchova, “Mulutage

mukhambule imbweha yila, 'Lola, nikhugavinga amanguluve nu khuvomba ukhuponiya ilelo na khilavo ne isikhu iya datu yu nivomba uvigane wango. ³³ Pu usikhi ugwa venchaga unonu khu khuvunogwe wango ukhuluta ilelo, khilavo na khusikhu iyikhongile khuvala avasavisayiwa ukhubuda unyamalago khutali ne Yerusalemu. ³⁴ Yerusalemu, Yerusalemu, veni uvibuda avanyamalago nu khuvatova na mawe vala avasuhiwa khulimwe, khalikhalingi nenogilwe ukhuvalunde maniya avana avadebe khulyu mwe ndi hukhu vuyilundamaniye inyamahukhu ifya pasi mumapapalilo aga hukhu, ingawa samwa nogwe ili. ³⁵ Lola, uvunjenge wakho vulekhiwe. Nune nikhuvavula, samukhawesye ukhumbona nu muyakhiva mwinchova 'Asayiwe uvikhincha khulitawa ilya ITWA.'"

Ondyango ugwa 14

¹ Yahumile isikhu iya Sabato, pu avile iluta khu njengo khwa munu yumo aviale imbaha va Mafarisayo kwilya ikhisyesye avene valikhundolela pa wipi. ² Lola, pavulongolo pa mwene pale nu munu uviagatanchiwaga nu vufimbe. ³ U Yisu avunchi nje khu vamanya ndagilo va Vayahudi na Vamafalisayo, "Lino, lweli ukhuponniya isikhu iya sikhu iya Sabato, lino lweli?" ⁴ Pi avene vakhava mye, pu uYisu akhamwibata, akhaponiya nu khupa uvugatalufu akhavuya khu myave. ⁵ Umwene akhavavula, "Veni umunu khulumwe uvi ali nu mwana isenga iyiyigile mukhihulu ikya

magasi isikhu iya Sabato sakha khwege khuuchi na mbivi?" ⁶ Avene savakhava ne lwakhu-unchova khukhumya ilijibu khu mbombo yoni. ⁷ Usikhi uYisu alumanyile ukhuta vala avilangiwe vave vanchaguliwe alumanyile ukhuta vala avilangiwe vave vanchaguliwe, ifigoda ifya ifidwadiwa akhavavula ikhikhwani, akhavavula, ⁸ "Usikhi vuvikhuhwilanga khuvutolani, ulekhe ukhutama khuvavaha, ulwakhuva khwale umunu umbaha uvevi khudwada avanu voni. ⁹ Usikhi umunu uviavilangile umwe mwivavili angafikhe, ikhukhuvula uve, hega umunu uyu itama apa, nu ve vuhega khusoni soni, vutengula ukhuluta khutama khu vumalilo. ¹⁰ Pu uve vangakhwilange, luta ukhatame khuvumalilo nu sikhi ugu umunu akhwilangile khululundamano vunchile akhuvule, gwe higo, injango luta khuvulongolo ukhulutilila, Pu wiva akhwimikhe khuvolongolo ukhulutilila voni avatamile nu mwene pa mesa. ¹¹ Ulwakhuva uviikhiyinula ayikhwisiwa, nu vikhwikha ayikhwinuliwa. ' ¹² Pu uYisu ambulile umunu uviamwilangile, 'Vuwi-humya ikyakhula ikya pamusi na khukhimihe, ulekhe ukwilanga avaninyo nu valukhololwo nakho, avamubadihine vakho, avambadihine vakho na vatayili, ulwakhuva wita vinche vakhwilange nu yuve khukhwupila uluhombo. ¹³ Pu lino, w wovuvomba uluhekelo, uvalondage avalemilwe avaganchu avasavigenda na vasavilola. ¹⁴ pu uve wiva insayiwa, ulwakhuva savakhakhuhombe. Pu uve ulahombwa khuvunchukhwa uwa nyavulweli."

15 Usikhi gumo khuvala avatamile pa mesa paniniye nu Yisu avile apulikhe ago, nu mwene akhavavula, "Asayiwe ula uviyakhiva ilya ikhi syesye khu Vutwa wa Nguluve!"

16 Pu uYisu akhavavula, "Umunu umo aite-saninche ukhuvikha uluhekhelo uluvakha alun-denine avanu avingi. 17 Vu usikhi ugwa

luhekhelo gufikhe, asuhile umbombi va mwene ukhavavule vala avanilangile, 'Mwinchage, ulwakhuva ifinu fyoni fivekhiwe nu khwincha khwilya. 18 Voni, vakhatengula ukhudova

uvusikhilo. Uvakhwancha akhanjova, 'Imbaha, nigulile ikyalo, niluta khwilola. Nikhukhudova usikhile.' 19 Nu yunge akhanchova, negulile isenga incha khulimila niluta khukhugala ndanchilima, nidova uvusyekhilo.'

20 Umunu uyunge akhanchova akhata, 'Nilinuwinga saniwesya ukhundakha udala vango mwene sanikhinche.'

21 Umbaha akhavuya khumyave nu khumbula utwa va mwene imbombo incho. Umunu uva vuujenge uwa avipile, akhavavula avambombo va mwene, 'Mulutage munchila ujoni na nduhengo munjengo mukhavalete apa, avaganchu, avalemilwe, avasavilola, nu vavosavigenda."

22 Uvambombo akhanchova, 'Itwa, goni aga gagoukhalagile ni malile ukhuvomba lino inafasi payile.'

23 Utwa akhambula umbombi, 'Luta munchila nchoni, nchila malekhano na munchila imbaha incha khu visolisoli uvumilinche avanu vigile inyumba yango yidige.

24 Ulwakhuva nikhuvavula khu vala avilangiwe ukhuhuma khuvutengulilo asikhuli uviyakhiva ivoncha uluhekhelo lwango. ' 25 Lino avanyalu-

lundamano uluvaha valutaga pupaninye nu mwene, nu mwene akhavasyetukhila nukhuvavula, ²⁶ 'Ingave umunu ikhwincha khulyune, uvisikhugatancha udadaye va mwen, nu vanina va mwene nu dala va mwene, avagosi na vadala-lweli, na mbutamilo wa vene savakhawesya ukhuva vakhongi vango. ²⁷ Umunu uvisitola ikhidamili ng'ani khumwene nu khwincha khusana gwa mwene siwesya ukhuva ikhongi vango. ²⁸ Pu veni khulumwe, uviinongwa ukhusimikha unara sakhatame tasi ukhusaga imbalilo ilingi, ikhi inogwa ukhumalana nikyo? ²⁹ Ulwakhuva, vu avikhile ulwuoto nu khulemwa ukhumala, voni valiwene vitengula ukhukhinela nu benapula, ³⁰ valikhunchova, Umunu uyu ategwile ukhusimukha, akhavambula makha aga khumala.' ³¹ Pu itwa mukhi, anganogwe ukhuluta khutovana nu Ntwa uyunge khwilwa uvisitama pasi nu khusaga ukhulonda ulwidihano, ukhuta lino yuniwesya, paniniye na vanu ava elfukhinchigo ukhutovana nu Ntwa uyunge uvikhwincha khukyanya khu mwene na vanu elfu ishirini(20, 000)? ³² Upu ingave usikhi sagufikhe, ugwa khipuga ikhinge khili khuvutali, pu visuha undoleli khulonda uvunonu lunonchehencho. ³³ Ulwakhuva uva venchaga mugati mundyiumwe, uvisikhufilekha fyoni, ifyalinafyey, siwesya ukhuva ikhongi vango. ³⁴ Umwinyo inonu, lino gungave umwinyo guanchinche ukhunoga, wigaha ndakhi ukhuta guve mwinyo? ³⁵ Gusikhuli nu khuguvombela khulifu na khumbolela, gutagiwa khuvutali.

Umwene uviali nu mbulukhutu incha khupulihincha pu apulikhe.”

Undyango ugwa 15

¹ Pu avasonga songo voni na vange avatula nogwa valutile khwa Yisu nu khupulihincha. ² Pu Avikhwandikha vavipile nukhunchova, “Umunu uyu ikhuvahegelencha avanyasambi nu khulya paniniye na vene.” ³ Pu uYisu akhanchova ikhihwani khuvene akhanchova akhata ⁴ “Veni khulumwe uvi alining’osi “100” nchingayage yimo, pu sakhahege khulonda yila yimo iyiyagile sikhunchilekha “99” iluta khulonda yila yimo, iluta khulonda iyi yagile nu khuyivona? ⁵ Nu mwene wayiwene pu ikhumibikha palivega nu kuhovokha. ⁶ Nifikha khunjengo, ikhuvilanga avanine na avabadihine akhavavula akhata muhovokhage paniniye nune, ukhuva niyiwene ing’osi yango iyi khayagile. ⁷ nikhuvavula vulevule ukhuta khulava nu kuhovokha umo unyasambi vupela nu khukhuta, ukhulutilila avanyavulwel vala “99” avu vene vanchila khusita khupela ⁸ Khwale veni udala uvi iyancha ihela “10” nu khuyancho ihela yimo sa khatole ikhisikhi nukhumwemwesya nukhuhuma ukhulonda na makha goni nukhupata ihela yimo? ⁹ Vu awene iyiwene ihela ya mwene ikhuvilonga avanine nu khuvilanga avanine nukhuvilanga avabadihine nukhuta muhovokhage panine nune ukhuva niyiwene ihela iyikhayagile. ¹⁰ Pu nikhuvavula nita khukhule ukhuhovokha khuvulongolo khunsuhwa nu Nguluve ulwakhuva unyasambi yumo

apelile.” ¹¹ Nu Yisu akhanchova, “Umunu umo ale na vana vavili ¹² umwana udebe akhambula udadaye, Dada ume iligavo ilya vuhele uwa kyuma iyinogilwe khulyione nu vuhale. Pu akhagava ikyuma mugati imbene. ¹³ Pu isikhu nchi nyingi umwana udebe akhalundamana fyoni ifyalinafyo akhaluta khukhilunga ikya khuvutali nukhu, akha khinila ihela nchoni, nu khugula ifinu ifipelwapelwa, ifi vivi nu khutaganiya ikyuma nu kuhovokha ne khilunga. ¹⁴ Umwene vualile ikyuma kyooni, inchala imbaha yikhingila ikhilunga khila pu akhava ne njela imbaha. ¹⁵ Akhaluta khulonda imbombo khu munu uva khilunga khila, nu mwene akhang'ilikha khukyalo khya mwene ukhudima ingube. ¹⁶ Pu alikhunogwa ukhulya nu khwiguta na makhandi aganchisinche ingube, ulwakhuva, asikhuli umunu uvi apile ikyakhulya. ¹⁷ Pu umwana udebe akhasaga munumbula ya mwene, akhanchova va vombi, akhanchova vavombi valingi khwa dada vilya nu khunywa ifingi nune nifwa ne nchala! ¹⁸ Nune nihega nilutakhwa dada vango, nukhumbula, “Dada usyikhile khukyanya na pa khilunga na khumiho gakho. ¹⁹ Sanenogile ukhuta neve mwana vakho; umbikhe ndumbomba mbombo vakho.” ²⁰ Pu akhahega akhaluta khwa dada va mwene. Vu anchige khuvutali udada va mwene akhambona nu khuvona ikhisa akhaluta na mbivoi nu khunyila nu khukhumbata nu khubusu. ²¹ Pu umwana ula akhambula akhata, 'dada nelimalunde gakho, usikhile khukyanya na pasi apa na khuvulongolo khumiho gakho

savinogile ukhwilangiwa ukhuta neli mwana wako.' ²² Pu udada akhavavula avavombi va mwene, mulote umwenda unonu mufwali nche, pete nu khufwa lincha ifilato mumalende. ²³ Pu mukhatole isenga iyi dutwive mubude tulye nu khuhekhela. ²⁴ Ulwakhuva umwana vango afyulelino mwuoni. Ayagile lino avonikhe pu vakhatengula ukhuhekhela. ²⁵ Pu lino umwanaumbaha ale khukyalo, vu ikhwincha nu khuhegelela khukyaya akhapulikha inyimbo nu khwovela nu khukhina. ²⁶ Akhilanga uveimbombo yumo akhambuncha, khulikhikhi khukhuta khikhi? ²⁷ Umbomba mbombo akhata uvuvavo iuchile nu dada vakho abudile isenga iyidutwive ulwakhuva avuyile vunonu.' ²⁸ Umwana umbaha avipile ukhutililila, akhabela nu khwingila mnyumba gati nu dada akhabembelesya ingile. ²⁹ Pu akhambula udadaye, 'Lola une, nekhuvoimbili imiakha gimingi, nu khwibata indagilo nchoni sugele ukhuma mwenamene, ukhuta ne hekhele na vayango. ³⁰ Ulwakhuva, vuinchile umwana vakho uve avangile ikhyama kyakho kyoni nu khulya ne valiguubudile igwada iyedutwive. ³¹ Udada akhambula akhata, 'Mwana vango, uve ukhale nune isikhu nchoni, nune vyoni ifi nelinafyo vyakho. ³² Pu yikhale lunonu khulyufwe ukhuhekhela nu kuhovokha, vu ulukhololwu avonikhe vu akhayagile, akhafyule lino alikhuwumi; na avonikhe.'"

Undyango ugwa 16

¹ U Yisu avavulile khangе avakhongi vamwene

vamwene, “Pale nu munu umo unkhavi nu vavaha avulilwe ukhuta umbaha uyu inangaviya ikyuma kya mwene. ² Pu unkhavi akhamwilanga akhambula, “Khinukhi ikhi nipulikha khulyuve? Humya imbalilo incha mbaha vakho, ulwakhuva sawiwesya ukhuva mbaha lino.’ ³ Umbaha ula akhanchova munumbula mumwene, Nivombe khikhi, uvunonu wa ntwava vango ikhung'encha mu mbombo yango iya vuvaha? Nelivuvule amakha aga khulima nu khudova dova nevona soni. ⁴ Nelulumanyile eliyakhiva nie vomba upuyakhiva vikhung'e ncha mu mbombo yango iya vuloleli uwa vanu pu avene va ng'egelenche mu mbunchenge wa vene. ⁵ Pu umbaha va vuloleli akhivilanga avanyamikolegwia ntwava va mwene, akhambula uva khwanacha, 'vudayiwa ilingi nu ntwava vango?’ ⁶ Akhanchova ifipimilo khinchigo ifya mono, akhambula 'tola ilikhuratasi uvige “50” hamsini.” ⁷ hange ambula uyunge nuve ulinilikhole ilingi?’ akhanchova akhata nilinilikhole ilya fipimo “100” ifya vutineuwa ngano.’ Akhambula akhatatola ikyandikhilo wandikhe “80”.’ ⁸ Pu untwa akhagwiya umbaha umbivi vu avombile khu vala avanyamakhole. Ulwakhuva avana va khilunga ikhi valinu luhala ukhulutilila nu khuvomba khuluhala ulwa pakyanya pu avanu avaluvafu ulwa vene valipakyanya pa vanya lumuli. ⁹ Nune nikhuvavula mwivombe-lage ukhuva na vayinyikhu kyuma ikya vuviviukhuta puyakhiva sawipata vavahegelenche khu vutavuo uwa sikhu nchoni. ¹⁰ Uviale vaviyilweli khuvudebe iva vayilweli khuvu vaha. na aliye dhalimu katika lililo dogo huwa dhal-

imu katika lililo kubwa pia. ¹¹ Ingave umwe samkhali vayilweli khu kyuma ikya vuvivi pu veni iva vayelweli khu kyuma ikya lweli? ¹² Pu ingave mukhale vasita khuva vayilweli pa khu vombela ikyuma kya munu uyunge veni uviyakhiva ikhuvapa ikhiyakhiva ikhuvapa ikhikhivile khinyo yumwe? ¹³ Asikhuli umbomba mbombo uviiwesya ukhuvavombela avatwa vavili, ulwakhuva ayigugane yumo nu khusula uyunge nu khwiyibata nuyu nu khubeda uyu. Samukhawesye ukhumombela Unguluve ne kyuma.” ¹⁴ Pu Avafalisayo vuvavo valikhunogwa ihela, pu vagapulikhe aga goni pu vakhabeda. ¹⁵ Pu akhavavula, “Umwe ukhuta mukhiginiya khuvulongolo khuvan, pu Unguluve akhanchimanya inumbula nchetu. Ulwakhuva ilimikhiwe khu munu liva livivi khuvulongolo khwa Nguluve. ¹⁶ Indagilo ncha vanyamalago nchale punchile vu uYohani vuinchile. Ukhuhuma usikhi ugwa imola inonu incha vutwa wa Nguluve ukwinchofancha, nu munu uvavenchaga igela ukhwigila khu makha. ¹⁷ Ukhuva ikhilunga khipepe fihege ukhuhuma endagilo yimo yihege. ¹⁸ Uvi ikhundekha udala nu khugula uyunge nu khutola vatamaniyege iva aligwipe nukhuva indigu, nu yunge uvi ikhutola ula uvialekhilwe nu gosi, ivaindigu. ¹⁹ Khwale nu munu umo utayili afwalile iyenda igya mavuva igi ngaladikha igya zambarau ne kitani ikhi nonu, pu alikhuhovokha imisikhi gyoni nu vukhavi wa mwene uvuvaha. ²⁰ Nu ganchu umo ilitawa lya mwene ele vi Lazaro avikhiwe pa ndyango ugwa tayili, pu ale ni fikho.

²¹ Pu umwene anogwagwa ukhulya amalagalila agagwile pasi aga fyakhulya pa mesa iya tayili uchili khu myianga ifikho ho ifya uganchu. ²² Pu ula uganchu akhefwa nu khutoliwa nu unsuhwa nu khumbikha khukhifwa ikya Ibrahimu pu khifwa ikya Irahimu. Pu utayili vope akhafwa nu khusyila. ²³ Na khuvufwe vuigatanchiwa nu vugatale, akhalola amiho khu kyanya akhambona uIrahamu khuvutale nu Lazaro pa khi-fuva ikya Irahimu. ²⁴ Akhalila akhanchova, 'Dada rahamu, umbonele ikhisa, usuhe uLazaro anyofye ikhimelelencha ikya fikhonche muma-gasi, ahovosye ululimi lwango; ulwakhuva ni gatanchiwa nu mwoto ugu. ²⁵ Pu Brahamu akhanchova, 'Mwanavango usage imbukhulilo wakho uvombile imbombo ilingi ivinonu, nu Lazaro nave apilile amavivi. Lino alyapa ihekhela, nuve pu vugatanchiwa. ²⁶ Khu goni ago khuvikhiwe iliguli ilivaha nu vutale pa gati, ukhuta avinogwa ukhuhuma nu khulovokha, ukhwivicha khulyumwe valemwage na va kulyumwe vope valemwage ukhwincha ukhwa.' ²⁷ Utayili akhanchova, 'Nukhudova Dada Brahamu, nikhukhudova usuhe khukha khwa dada vango ²⁸ khu khaya khuvale avalukholo lwango vahano ukhuta avavunge khuluvipi ukhuta vope yuvikhwincha khunu, khulivupala fincho, valekhe ukhwincha. ' ²⁹ Pu u Brahamu akhanchova, 'Khuvale avanyamalago nu Mose vilekhelwe vavapulehinchage avo. ³⁰ Pu untayili akhanchova, 'asikhuli, Dada uBrahamu, lino ingave umunu ihuma khuvunchukha pu ya vipela.' ³¹ Pu Brahamu akhavavula, 'van-

gave savikhuvapulikha avo uMose na vanya-malago savakhidikhe nela pwu hume umunu khuvunchukha savakhawesye ukhupulikha.

Undyango 17

¹ U Yesu akhavavula avakongi va mwene, “Imbombo inchi khuva pa lela avanu ukhutula inongwa nchinoge lanile ukhwinelia, lwamwene umunu uveiuhunchitalencha!

² Yeve hei umunu uywa alwikhugiwe eliwe ilichitu ilyakhuhevetela msingo nukhu tagiwa khunyanja, khwomela ukhuva elela avana avadebe ukhuta vatule enongwa.

³⁻⁴ Mwelolelage. ulukhololwo angakumagile umbunge, umwene agapele usyekhile. Agakhunagile mara saba khusiku yemo khage mara saba khusiku yemo aginche khuliuve nukhunchova, 'nipelile, 'usyekhile!”

⁵ Avasukhwa vamwene vakhambula Dada, “Twogelekhenche ulwedekho lweto.”

⁶ UYesu akhanchova, “Mwamuvinchage nulwedekho ulwa mbegu eya haradarii, mkhale mkhukuvula ubekhi ukhu ugwa nkuyu, 'hega pwu khukhamele munyanja, 'gwope gwakhukhuvapulikha.

⁷ Pwu veni pagati paliume, uvalinumbombi uveilema ikhyalo au uveidema igo'si, uveikhumbula wa humile khukyalo, inchaga nambivi utame ulye ikhyakhulya?

⁸ Sakhambula, 'nelekhele ikhyakhulya nilye, pwu vikhuge utivo umbombelage impakha apya ni mala ukhulya nu khunywa. Pwa apo nayuve wilya nu kunywa?

⁹ Sakhasane umbombi uywa

ulwakhuva avombile nchila inchavuliwe?
 10 Vule vule nayumwe mughavombe
 inchomuvuliwe munchovage 'ufwe twevavombi
 twisatunogelanile. Tuvombile nchila

inchonchikhano gelanile ukhuvomba.'

11 Yakhumile wu ilota khuyerusalemu, agendile
 mundupakha ulwa khusamaria na khugalilaya.

12 Avile ikhwigela mumbonchege vumo,
 ikhwa aagine na vanu khinchigo avuvale
 nuvukoma. Vakhima khuvutali 13 Vakhapwata

vakhata "Yesu, Nkhuludeva tukholele ikhisa."

14 Avile avawene akhavavula, "Mlutage
 mkavonekhe khuva vatwa makhuhani." Navene
 vavile viluta vakhavalanchiwa. 15 Yumo

avileaponile, akhiliwike khukhuginia U
 Nguluve. 16 Akhafugama mumalunde ga

Yesu akhademya. Umwene ale Samaria.

17 U Yesu akhanda, akhata, "Savaponole voni
 khinelugo? Valendakhu avange vala tisa?"

18 Asikhuli nayumo uviavonikhe ukhukilivukha
 khukhuginia U Nguluve, ila uyu ugesya?"

19 Akhambula, "Ema ulutage ulwidikho
 lwakho lukhuponinche." 20 Avileavunchiwe na

avofarisayo uludeva lwaNguluve lwikhwincha
 ndeli, U Yesu akhanda akhata, "Uludeva lwa
 Nguluve sakhivile ndekhinu ikhivonekha.

21 Avanu savalanchova, 'Mulolage khunu!' au,
 'Mulole khu! Ulwakhuva uludeva lwa Nguluve
 lulemugati mundimwe." 22 UYesu akhavavula

avakhongi va mwene, "akhavalilo yukhifikha
 mlanogwagwa ukhulola ikhigano khimo
 ikheya mwana va ndavite, samulakhuvona.

23 Akhavavula, 'Mlolage, ukhu! Mlolage apa!'

Mlekhe ukhuluta khwilola, nu khuvakhonga,
²⁴ Ndulumuli ulwa nchasi ulumulikha mkhiluga
ulutegulila kuvunge nu khuluta khuvuge.
Vule vule umwana va Ndaveti alincha ewo
khukhigono ikhya mwene. ²⁵ khuvutegulilo
yenogiwa ukhugatanchiwa ni nongwa inyingi
nukhubeliwa ne kkivumbumbukha ekhi.
²⁶ Nduwuyale ifigono ifya Nwakha, wuyilava
woikhwincha umwana va Ndaveti. Valikulya,
valikhunywa, ²⁷ valikhutola nu khutoliwa ipakha
akhavalilo akha UNwakha aingile mugalava
yekhincha nukhuvabuda voni. ²⁸ Wuyale
khumisikhi igya ²⁹ U Loti, avile akhegile
khusodoma, yekhafima ifula iya mwoto ne
kiviliti ukhuma khukhiya vakhabudiwa voni.
³⁰ Vwoyilava ewo ilinchova elyakhyu alincha
umwana va Ndavati alavaivonekha. ³¹ Ikhigono
ikhyo, ulekheukhutavula uvalikhukhano
munyumba ikhe atole ifinu munyumba. Na
ulekhe ukhutavula uvialekhukyalo ukhuvuya
khukaya. ³² Mkhumbukhe udala va Loti.
³³ Uveavenchaga uveinogwa ukhupokha uvumi
wa mwene ikhuvuyanchi, uveavenchaga
avealeyancha uwumi wa mwene alapona.
³⁴ Nikhuvavula, ikhilo iyo khulava na vanu
vaveli pakhihaga khimo. Yumo itoliwa,
uyuge isigala. ³⁵ Khulava na vadala vaveli
viheveta panie, yumo itoliwa uyuge isigala.”
³⁷ Wakamwuliza, “Wapi, Mungu?” Akawaambia,
“Pale ulipo mzoga, ndipo tai hukusanyika kwa
pamoja.”

Undyango 18

¹ Akhavavula ikhikhwani umwakhudovela, valekheukhugatala. ² Akhanchova, “khwale nug'egi khujini ugege, uvisadwadage UNguluve na salikhuvadwadwa avanu. ³ Kkwale nufwele khulijiji ilyo, mwope adutelaga mara khingi, alekhuta, 'unugeukhukhava uwoyelweli ukhuhuma khumbivi vago.' ⁴ Khusekhi utali sale tayari ukhutanga, usekhi gwagwavile gulutile akhanchova munumbula ya mwene, 'Ndayeve une sanikhudwadwa U Nguluve au sanikhumwimikha umunu, ⁵ Ulwakhuva ufwele uyu ikhugatancha nikhutanga ukhukava uwayelweli wa mwene, alekhe ukhu gatancha ukhunynchila khita sekhi.” ⁶ Untwa akhanchova, 'Polekhincha uwoanchovile ug'egi umbivi. ⁷ U Nguluve salagega uwayelweli khuvavalanche va mwene avikhu delila pamusi na pakhilo? Umwene, sakhumilaga khuvene? ⁸ Nikhuvavula ukhuta ig'ega uvugolofu khuvene nambivi. Ulwakhuva umwene va Ndavati alavaikhwincha, alaluvona ulwidikho mkhilunga?' ⁹ Pwa akhavavula ikhikhwani ikhi khuvanu avavikhivona valinuwa yelweli nukhuvabeda avanu avange, ¹⁰ Avavuvavili vatogileukhuluta khutembile khukhwisaya: Yumo U Farisai nuyuge usongasogo. ¹¹ U Farisai aklima akhadova inogwa inchi inchi mwene yuywa, 'Nguluve, nikhukhulemya ulwakhuva une sanikhwanine ndavage avanu avipokha afya vanu, avanu avavili avaligu, nduyu usogencha songo. ¹² Nidenda mara khavili khulugo. Nikhumya isadakha ukhuma khuvukhavi

wangu. ' 13 Pwu usogasongo akhima khuvutali, alemilwe ukwinula amiho sa'mwene khukyanya, alikhutova ekhifuva khya mwene akhata, 'Dada usyekhile une netula nongwa.' 14 Nikhuvavula, umunu uyu avayilekhu khaya mwavasyekiliwa imbivi, khulikho ula uyug'e, ulwakhuva ula uveikhwiginia ikhwisiwa, uveikhweyisya ikhwinuliwa. ' 15 Avanu vavagegile avana avadebe, avabasye, avakhogi vavilevalolile ewo, vakhavasikha. 16 U Yesu akhakilaga khumwene akhata, "Valekhe avana avadebe vinchag'e khulyune, mlekhe ukhuvasiga. Lwa vanu ndava. 17 Mwidekhage, nikhuvavula, umunu uviavenchaga uvesikhwambelila uludeva lwa Nguluve ndu mwana lweli salig'ela. ' 18 Undogonchi yumo akhambuncha, akhandova, 'Imanyisi inonu, negahe ndakhikhi pwu nikhawe uvumi uwa sikhunchoni?' 19 U Yesu akhanchova, 'khikhi mkhuyilanga nilinonu? Osikhuli umunu unonu, yu Nguluve mwene. 20 Unchimayile indagilo, ulaligupaga, ulabudaga, ulakhenchaga, uladetaga uvudesi, uvadwadege adadayo na vava vanyokho. 21 Undogonchi akhanchova, 'inogwa inchi nibite ukhuhuma nilidemi.' 22 U Yesu avileapulikke inchi akhambula, "Khisigile ikhenu kimo. Ugunche fyoni ufyolinafyo uwape avalemilwe nuve wiva nekhebana khukyanya, pwu winche ug'ogaga. ' 23 Utayari avileapolikke ewo, akhalile lweli, ulwakha ale mofu. 24 Pwu U Yesu, akhambona wvavipile lweli akhanchova, uwuyelava tabu khuvakhani ukwing'ela khuludeva lwa Nguluve! 25 Ulwakhuva yilava khilele tingamila pkhalyango akhasindano,

ukhulutala kavi ukhwigeila kuludeva lwa Nguluve. ' ²⁶ Avapulikhe incho, vakhanchova, 'Veni lino, uviyakhiva ipona?' ²⁷ U Yesu akhanda, 'Inogwa inchile mchine khuvanu kuwa Nguluve inchikhwidekhana.' ²⁸ U Peteli akhanchova, 'ufwe, tufile khile fyoni tukhukhogile uve. ' ²⁹ Pwu U Yesu akhavavula, Mwidikhag'e, nikhuvavula asikhuli umunu uveayelexhile inyumba, udala, avalukhololwe, avahonchi na vana, khuludeva lwa Nguluve, ³⁰ Uvesalakhava ifingi pakhilunga ikhi, nakhukhilunga ikhikhwincha alakhava uwumi uwa sikhunchoni. ' ³¹ Avile avalundaminye vale khinchigo na vaveli, akhavavula, 'Mlolage, twitoga ukhuluta khu Yerusalemu, inogwa nchoni inchisimbiwe na vayamalago khu mwana va Adamu nchinchivombekha. ³² Ulwakhuva evekhikhiwa mumavokho ga vayapanchi vikhumbombela imbivi, nukhube hela ³³ amati. Wuvatovile ni ngomo vikhumbuda isikhu iya datu inchukha. ' ³⁴ Savanchimaye inongwa nchi, nelimenyu ililyafihiwe khuvene, na savalumaye inongwa inchinchoviwa. ³⁵ U Yesu avileahegelile ku Yeriko, umunu yumo uviabofwile atamile mudu khanchi musewe alikhudova ulutagilo, ³⁶ Akhapulikha avanu wu vigenda akhavuncha khenukhekhi ikhivone kha. ³⁷ Vakhambula vakhata U Yesu uva Munazareti igenda. ³⁸ Pwu ubofule akhalila fincho, akhata, 'Yesu, vi mwana va Ndaveti, ug'olele ikhisa.' ³⁹ Avagendaga vakhabencha ula ubofule, vakhara anunale. Umwene akhendelela ukhulila fincho, 'Mwana va Ndaveti, ug'oleleikhisa. ⁴⁰ U

Yesu akhima akhavavula umunu ula akhilikhiwe khumwene. ⁴¹ Ubofule avile ahegelelile, U Yesu akhambuncha, Winogwa nikhuvombelekhikhi?' Akhanda, 'Dada, ninogwa ukhulola.' ⁴² U Yesu akhambula, 'Ulolage. Ulwidikho lwakho lukhuponinche.' ⁴³ Usikhi ugwa alikhulola, akha khonga U Yesu nukhuginia U Nguluve. Vavilevalolile ewo avanu voni vakhaginia U Nguluve.

Undyango 19

¹ U Yesu aingile akhagenda pagati pa Yeriko.
² Napo pale nu munu yumo alikhulambuliwa Sakhaye. Ale mbaha va vasongasogo khageale momafu. ³ Anokhwagwa ukhumbona U Yesu munu vandakhikhi, alemilwe ukhumbona ulwakhuva avanu vodegile, umwene ale isupi fincho. ⁴ Pwu, akhalogola nambivi khuvanu, akhatoga mbinkhi ambone U Yesu ulwakhuva U Yesu agendile injila ila. ⁵ U Yesu avileafikhe pala akhalola khukhiya akhambula, sakhayo ikha nambivi, ulwakhuva ilelo nilenda munyumba yako.' ⁶ Akha gakha nambivi, akhikha akhamwambelila khuluhekhelo. ⁷ Avanu voni vavilevalole incho, vakhakhuta, vakhata, 'Alutile khukhugendela umunu utulanogwa.'
⁸ U sakhai akhima akhanchova Ntwa, Lola Ntwa nusu ya khyuma kyango nikhuvapo avalemilwe, yegave nepokhile khumunu ikhinu, nikhumbunchekhencha mara khane. ' ⁹ U Yesu akhambula, elelo uvupokhi vufikhe mnyumba eye, ulwakhuva mwape mwana va Abrahamu.
¹⁰ Ulwakhuva umwana va munu inchile

khulonda nu khuvapo kha avanu avayagile. ' 11 Vavile vapulikhe ewo, akhedelela ukhunchova akhakhumya ikhihwani, ulwakhuva alepipi ne Yerusalemu, avene vakhata uludeva lwa Nguluve lukhegile lulepakhuvonekha nambivi. 12 Pwu akhavavula, "Ukhalani yumo alutile khukhilunga ikhyakuvutali akhambilile uludeva nu khukhilivukha. 13 Akhavilanga avavombi vamwene khinchigo, akhavapa ifineigo kumi, akhavavula, 'Mvombage iligunchi mpakha nelavanikhi ilivukha.' 14 Pwu avanuva mwene vakhambi pela vakhasuha avakhape tamu valute vakhoge nukhuta, satwinogwa umunu uyo atu-logonchage.' 15 Pwu avileakhiliwikhe khukhaya wuvapile uvutwa, akhavavula avavombi uwuavalekhile indalama velagiwe khumwene, alumaye utengo ugwavapatile khumbo iyuvakhavokhavombelega. 16 Uvawkanda akhincha, akhanchova, 'Ntwa, ikhibina khyako kiholile amabina kumi khuvulogolo. ' 17 Pwu ukalani akhambula, lunonu, ulembombi inonu. Ulwa khuva ukhale mwidekhinchi khumbombo endebe, wiva mwemelenchi khu vunchege khinchigo. ' 18 Uvaveli akhincha, akhata, 'Ntwa, ikhibina khyakho kholile amabina gakhano.' 19 Ukalani akhambula, 'Tola uvuloleli khuvunchegi vukhano. ' 20 Nu yuge akhincha, akhata, 'Ntwa ulupa ulutalama lwakho, Ngalubinile vunonu mumwenda, 21 Ulwakhuva gadwadile uve ulemunu ikhali. Vutola khila ikhyuvekhile nukhubena ikhu suvyalile. ' 22 Ukalani akhambula, 'Khumamenyu gakho nilhukhuhega, vivombi

vembivi. Ukhalumayile ukhuta une numunu nkali, nitolaikhi sanivikhile nu khubena ikhisa nivyalile. ²³ Khikhi, sukhavekhe ulutalama lwago khubengi, wunikhilivukha nitole paninie nulutitu? ²⁴ Ukalani akhavavula avanu avaemile pale, 'Pokhaga ubina mkhape ula unyamibina khinchigo.' ²⁵ Vakhambula, 'Ntwa, umwene alenemibina khinchigo. ' ²⁶ Nikhuvavula, khila avyalinafyo akhwogelenchiwa afinge, uvialivuvule, vitola nafilafila afialinafyo. ²⁷ Ulwakhuva avalugu vago, sawa khanogwa ukhata nive nkhu ludeva vavo, vag'eg'e apa mvabude khuvulogolo khulyune." ²⁸ Avile anchovile ewo, alikhulule kuvulogolo alikhutoga ukhuluta ku Yerusalemu. ²⁹ Avile akhagelile khu Bethfage, na ku Bethania, pawipi nekhikyamba ikhya Mizeituni, akhava sukha avakuongi vavile, ³⁰ Akhata: 'Mlutage mumbunchege uvulipipi. wumwingile, mkha londage ikhyana khya ligodowe ikhusakhitogiwe. Muhudulage, mukhag'eg'e khulyune. ³¹ Umunu agavavunche, 'khikhi mukhwavula? 'Munchova, "Ntwa ikhuyelonda." ³² Avasukhiwe vakhaluta vakhayivona inyana ya ligodowe nduwvu U Yesu avavulile. ³³ Vavilevikhwavula inyana ya ligodowe, avanyaligodowe vakhavavula, 'Khikhi mukhwavula inyana ya ligodowe ile?' ³⁴ Vakhanchova, 'U Ntwa ikhuyelonda. ' ³⁵ Pwu vakhahlekha kwa Yesu, vakhatandikha imienda giavo pakyanya panyana ya ligodowe vakhantoncha U Yesu pakhinya. ³⁶ Avileiluta avanuvalikhutandancha imienda ngivo musevo. ³⁷ Avileikhwi mkhiyamba ikhiya Mizeituni,

ikhipuga khoni ikhiya vakongi valikhululitela na khuginya U Nguluve khumamenyu amavakha, khumbombo imbakha inchovanchiwene, ³⁸ Valikhula, 'Uyu usayiwa ukurudeva uviikuwineha khulitawa Iya Ntwa! Ulukhugu khukyanya, nulunonehekhencho khukyanya!' ³⁹ Avafarisai palulundamano vakhambula, Ndemi, vanunanche avakhongi vakho. ' ⁴⁰ U Yesu akhanda, akhata, 'Nivavule, vagave ava vinunula amaganga giywegapa fincho. ' ⁴¹ U Yesu avileakhegelile mumbo nchege akhalila, ⁴² Akhanchova mwalemulumaye nayumwe ikhigono ikhyilelo imbombo inchikhugegela uluhungu! Lino nchifikha mikhe pamikho gakho. ⁴³ Ulwakhuva ifigono fikhwincha udugu vakho alanchenga uvunehege panie nuve, nukhukhu naugula nukhukhudidelencha ukhuma khwoni. ⁴⁴ Vikhukhugwisya pasi uve na vana vakho. Savakhakhulekhele iliwe limo pakhya panige, ulwakha sawalumaye usikhikhi U Nguruve apwavakhanogwagwa ukhukhupokha.' ⁴⁵ U Yesu akhigila Mtempeli, akhategula ukhuvamanyisya avagunchaga, ⁴⁶ Akhavavula, "Yesimbiwe, "Inyumba yago yiva nyumba ya khuvisayila, 'Umwe mvekhile ukhuva lipagala Iya vakhenchi." ⁴⁷ U Yesu alikhumanyisya khila khigono Mtempeli. Avantwa na vamayisi va ndagilo na valogonchi va vanu vakhanogwa ukhumbuda, ⁴⁸ Pwu vakhahemwa injila Iya khugakha fwo, ulwakhuva avanu voni valikhupulikhencha nulukhala.

Undyango 20

¹ Ikhava ikhigono khimo, U Yesu alikhumayisya avanu mtembile nu khulumbilila elimenyu, avatwa avavakha na vamayisi ava dagilo vakhadutela paninie na vagogolo. ² Vakhanchova, valikhumbula, 'Utuvule khumakha agani vuvu mbaimbombo inchi? Veni akhupile uvuvakha uvu?' ³ Umwene akhanda, akhavavula, 'Nayune leno nikhuvavuncha ikhulongu. Numbule ⁴ Yohani. Lwakhumile kukhiya au khuvanu? ' ⁵ Valikhukhanikhana vavo khwavavo, valikhuta, 'Tunganchove, 'Lwakhumile khukyanya, ikhutuvuncha khekhi samulekhwi dekha?' ⁶ Pwu tuganchova; lwakhumile khu vanu; avanu vaniapa vikhutova na magaga, ulwakhuva voni vikhwedekha ukha U Yohana ale Nsug'wa.' ⁷ Pwu, vakhanda ukhuta savalumayile ukhwulukhumile. ⁸ U Yesu akhavavula, "'Une sani khuvavula umwe ukha khumakha gani nivomba inchi.'" ⁹ Akhavavula avanu eikhihwani ekhi, "Umunu yumo avyalile emizabibu, mukhyalo akhalila khuvanu avaya fyalo ifya mizabibu, pwa akhaluta ikhilunga ikhinge khusekhi untali. ¹⁰ Khusekhi ugwa vekluve, akhasukha umbombi khuvayafyalo ifya mizabibu, ukhuta vampe iligavo lya sekhe mugunda ugwa mizabibu. Pwu awayafyalo ifya mizabibu vakhabela, vakhakilivula amavokho gene. ¹¹ Akhasuha umbombi uyuge ave vakhantova, nukhumbombela fivi, vakhakilivula amavokho gene. ¹² Akhasuha uvadatu mwope vakha

ndemancha nukhutaga khunchi. ¹³ Unyagunda akhata, nigakha ndakhikhi? Nikhusukha uswambago ugane. Opange yuvikhudwada. ' ¹⁴ Pwu avanyafyalo ifya mizabibu vavilevikhumbona, valikhukhanihana vavo khwa vavo valikhunchova, 'uyu vinyavuhale. Tumbode, uvukhale wa mwene vuve wetu. ' ¹⁵ Vakhag'umia khinji khugunda ugwa mizabibu nu khumbuda. Pwu unyagunda ikhuvagakha ndeti? ¹⁶ Ikhwincha khukhuvabuda uyafya fyalo ifya mizabibu nukhuvapa ugunda ukhwa avange. "Avene vavilevapulikhe ewo, vakhata, 'Unguluve abelie' ¹⁷ Pwu U Yesu akhvalola akhata, "Uvusimbe uvu vulienuvufumbue vuki? 'Iliw ilyovobabelile avanyanyakhunchenga, livele liwe lya palukhanchi? ¹⁸ Khila munu uveigwa pakhyanya paliwe ilyo, idenyekha fipande fipande. Ulauevayakhiva likhugwila, likhundemancha.' ¹⁹ Avasimbi na vatekhenchi valikhulonda injila iyakhumwibata usekhi gugwa, valumanyile ukhuta anchovile ekhihwani khuvene. Pwuvalikhudwada avanu. ²⁰ Vakhendola khukhisa, vakhasuha avapelelesi avalikhwivona ukhuta vogolofu, valikhulonda inogwa ukhuhuma mumbulumbileli vwa mwene, pwu vamwibata vakhelekhe khu vavakha ²¹ Avene vakhambunha, vakhata, "imanyisi tulumayile ukhuta winhova nukhuumasya uwayelweli savusogiwa nu munu uviavenchaga, uve vumanyisya uwayelweli khunjila iya Nguluve. ²² Ufwe yenogile ukhukhomba isongo khwa Kaisari, au vudesi?" ²³ U Yesu akhagamanya

amasago gavene, akhavavula, ²⁴ “Mumbonesye edinari. Esura nuvusimbe wani pakhyo?” Vakhanchova, “Wa Kaisaria.” ²⁵ Umwene akhaakhavavula pwumupenchage UKaisari ifya mwene nu Nguluve mpenchage ifya Nguluve. ²⁶ Avasimbi na vatekhenchi vakhalemwa ukhubencha akhyoanchovile khuvulugolo khuvanu. Valikhuswiga anyadile ya mwene savakhanchova khinu. ²⁷ Pwu avamasadukhayo vakhadutela, avachoraga ukhuta khusikhwuli ukhuchukha, ²⁸ Vakhambuncha, vakhata, “Imanyisi, U Mose atusimbile ukhuta umunu agafyilelwe nulukhololwa unyadala unchila mwana yenogiwa ukhutola udala uvalukhololwe nukhuhole nawe. ²⁹ Khwale na vanamunu saba uvakhwanda atolile, akhafwa khetandekha umwana, ³⁰ Nayuvavili mwope. ³¹ Uvadamu akhantola vulevule uvasaba sandekhe umwana akhafwa. ³² Usikhi wwukhulutile undala mwope akhafwa. ³³ Pwu khuvunchukha ivadala vani? Ulwakhuva voni saba vatolile. ³⁴ U Yesu akhavavula, “Avana vakhiluga ekhi vitola nukhutuliwa. ³⁵ Avanogelanile ukhwambilila uvuchukha wavafwile nukhwigela khuludeva lwa khukhya savitola wala ukhutoliwa. ³⁶ Savifwa khavili, ulwakhuva vakha wanine ndavasug'wa na vanava Nguluve uvana va vunchukha. ³⁷ Pwu avafwile vinchusiwa, nu Mose avanisye pakhisitu, pala pwuamwelagile Untwa vi Nguluve va Abrahamu nu Nguluve va Isakha nu Nguluve va Yakobo. ³⁸ Lino, umwene sio ve Nguluve vavafwile, ila avumi, ulwakhuva voni vitama khumwene.” ³⁹ Avag'e avamanyisi vandagilo vakha mwanda, 'Imanyisi, uchovile

vononu. ' ⁴⁰ Vakhadwada ukhumbuncha amameyu agange. ⁴¹ U Yesu akhavavula, "Khekhi avanu vita Kreste mwana va Ndaveti?" ⁴² Daudi anasema mwenyewe katika zaburi: U Dada ambulile Dada vango: ⁴³ Tama khukhivoko ikhyando, Ipakha nivavekhe avavivi vakho pasi pamalunde gakho. ' ⁴⁴ U Ndaveti akhamwelaga Kreste 'Daada,' yivandakhikhi mwana va Ndaveti?" ⁴⁵ Avanu voni vavilevikhupulekhencha akhavavula avakhongi va mwene, ' ⁴⁶ Mwilolelage na vasimbi, avinogwa ukhugenda vafwalile imienda imitali, vinogwa ukhusamusiwa khusokhoni nukhutema ifigoda ifitali mtembile, na amamenyu akhakhisa. ⁴⁷ Avene pwa vilya khuyumba encha vafwele, vigaha ukhuta vikhwesaya ulwesayo ulutali. Ava valaambilela uvukhegi uvuvakha fincho. '

Undyango 21

¹ U Yesu alolile akhavavona avagosi avatayeni avavikhaga ikhela chavene khubengi. ² Akhambona ufwele yumo ug'anchu vuvivekha indalama chamwene ivele. ³ Pwu akhanchova, "Lweli nikhuvavula, uyu ufwele uganchu avekhile nyingi uuhusinda avage voni. ⁴ Avage voni vakhuminche ikhela ukhukhogana nuvumofu wavo. Ufwile uyu, mumboganchu wa mwene, ne ahuminche indalama nchoni inchoa khale nacho mumbwumi wa mwene." ⁵ Avagevavilevinchova itembile, umunu vayenochekhinehe na mawe amanonu ne enekhelo, akhanchova, ⁶ "Ukhunogwa

inchomukhunchivona, isiku nchikhincha inchu iliwe salilasigala pakhyanya paliweilege ililakhenchiwa.” ⁷ Pwu vakhambuncha, vakhata, “Imanyisi, inogwa inchi nchilahumela ndeli? Filahumilago ifidegofikhu ukhuta inogwanchi nchilepakhumila?” ⁸ U Yesu akhanda, “Muve nuluhala mlekhe ukhusiviwa. ⁹ Mkhapulikhe iligoha nefujo, mlekhe ukhudwadwa, ulwakhuva inogwa inchi mpakha nchihumile, uvusilelo savukhahumile nambivi.” ¹⁰ Pwu akhavavula, “Ikhiluga khilima ukhulwa ni khiluga ikhige, uvutwa nu vuywa uvunge. ¹¹ Khulava nekheseyenge ikhivaha, nenjala nitavuni khuvutali na khuvuli. Khulava ninogwaincha khudwancha nifidego ifyakho dwancha ukhuma khukyanya. ¹² Wunchikhale inogwa incho nchoni, vivekha amakho gavo nukhuvatesya. Vikhuheleka khutembile na khukhikugwa, ukhuvagega khuvatwa na valo gonchi khulitawa lwago. ¹³ Eye yelavapa uvulegefu khulwelekho lweyo. ¹⁴ Pwu mulamulage munumbila nchiya ukhulekha ukhwitetela, ¹⁵ Ulwakhavanikhuvapa amameyu akhaluhala, uluawavivi venyo savakhanesye ukhukanika au ukhubela. ¹⁶ aAvahonchi veyo vala vabelagha, avalukhulolwenyo, avamanyani vuyo valabudivaga avageavayenyo. ¹⁷ Valavakha lalila avanu voni khulitawa lyango. ¹⁸ Lusikhuli uluyele khalalumo ulalayaga khumitwe gienyo. ¹⁹ Vwu mukhwumilila mlanchipokha inumbula ncheyo. ²⁰ Apayamwivona Yerusalemu yenchova guliwe na vasikhali, mlumaye ukhuta uvunagi vukhegile. ²¹ Avale ku Yudea vayililage

khufyamba, navala avalipagati pa vunchege vakhegaga, valekhe ukhuvalekha avalekhu vijiji ukhukhilivukha. ²² Ulwakhuva isikhu nchi ncha vukhuvelwa, pwinogwa nchoni nchasimbiwa nchikwele. ²³ Vukhuvelwa khuvala avanyavunchita navala avikwisya umesekhi ikhyo! Ulwakhuva kulava netabu imbaha mukhihuga, nuvuhegi khuvanu ava. ²⁴ Valatemiwa ni mundu valatoliwa vavanda khufiluga fyoni, ne Yerusalemu yelakhayiwa na vaya panchi, ipakha usekhi ugwa vanu avanyapanchi gulavakhukwela. ²⁵ Khulava nefidego khulinchuva, nu mwenchi ninodwa. Khukilunga khulava nenjala ya vanyapanchi, ukhugatala khula humananunchwego gwa Nyanja numbelo. ²⁶ Khulava navanu avichilekha khuvudwanchi, wuvikhuvila inogwa inchoyakhiva nchihuilo mukhilunga, ulwakhuva amakha ga khiluga galatetema. ²⁷ Pwuvalambona umwana va Ndaveti waikhwikha mumavego na makha nu vuvalanche uvuvakha. ²⁸ Inogwa nchi apyachitegula ukhuhumila, mwimage, mwunulage imitwe gwinyo, ulwakhuva uvupokhi wenyu vulugelile pawipi.” ²⁹ U Yesuakhavavula khukhihwani, “Mlolage umbekhi, nemibekhi gwoni. ³⁰ Vwuvukhumila uvuluva, mukhilolela yumwe nukhulumanya ukhuta ikhinchuva khihegelile. ³¹ Vulevule, mwumilola imbombo ncho nchihumila, umwe mulumanyage ukhuta uludeva lwa Nguluve luhegelile. ³² Elweli, nikhuvavula, ikhipaponkhi sakhikhalute, nupakha inogwa

nchi apyanchikhumila. ³³ Khukyanya napasi vilaluta, amameyu g'ago sakhagalaluta lusikhu. ³⁴ Mwilolage yumwe, ukhuta inumbula nchayo nchila vatola nuvulwasi, uvuganchi, nukhuhagayekha nifyakhiluga ikhi. ³⁵ Ulwakhuvaikhigono khile khilinha nambiwe Ndulutambo. Ulwakhuva yelavakhwakhila munu uvitama pasi pamiho ga khilunga khyoni. ³⁶ Pwumume mikho imisikhe gwini, mudovageukhuta muvevunonu ukhuhene inogwa ncho apyachihumila, nukhwima khumiho khumwana va Ndaveti.” ³⁷ Pamusi amanyisyaga mutembile pakhilo alikhuhuma khunji, nu khuluta khukyamba ikhitambuliwa Mizeituni. ³⁸ Avanu voni vamwinchile panavusi khu vwukhilo khukhupulehencha mugati mutembile.

Undyango 22

¹ Esikhukhu iya fivanda yahegelile, iyitambuliwa pasakha. ² Avatwa navasimbi vakhavunchana umwa khubudela U Yesu, ulwakhuva valikhuva dwada avanu. ³ Utavagwa akhigila mugati mwa Yuda Isikariote, uninje navakhogi khinchunigo na fiveli. ⁴ U Yuda akhaluta khuvunchania na vatwa umwakhug'elekhila U Yesu khuvene. ⁵ Vahowikhe, nukhwidekhana ukhumpa indalama. ⁶ Umwene aedikhe, alikhulonda usekhi ugwakhug'elekha U Y esu khuvene khuvutali nchukhunchi lya vanu. ⁷ Ikhigono ikhya fivanda ikhafikha, upwuyinogiwa ig'osi iya Pasakha yekhuminchiwe. ⁸ U Yesu akhavasuha

U Peteri nu Yohani, akhanchova, “Mulutage mkhatunonchehenche ikhyakhulya ikhya Pasakha twinche tulye.” ⁹ Vakhambuncha, “Ndakhuwinogwa tukhavombe imbmo iyo?” ¹⁰ Akhavanda, “Mpulikhinchage, apya munchikhwigile mumbunchege, khumbona ugosi itwekhile incilo ya magasi ivapaninie numwe. ¹¹ Mkhogage khuyumba iyu akhivaikhwigile. Pwumumbulage unyayumba, “Umanyisi ikhukhuvula, “khilindakhe ikhiyumba ikhyavageni, upwunino gwa ukhulya ipasakha navakhogi vango?” ¹² Ikhuvavonesya ikhiyumba ikhya khukyanya khitayani. Mkhutesaniage umwa.” ¹³ Pwu vakhaluta, vakhakhanchiyona khila khinu nduavavulila. Vakha noncha ikyakhula ikhyapasakha. ¹⁴ Usekhi gwa vilekhufikhe atamilena vakongi va mwene. ¹⁵ Pwu akhavavula, “Ninogwa lweli ukhulya ipasakha numwe usekhi wusakhutegwile ugwavukhuvita wago. ¹⁶ Ulwakhuva nikhuvavula, sanikhalye khavili ipakha ipyayekhwalanile khuludeva lwa Nguluve.” ¹⁷ U Yesu akhatola ikhiywelo, avile adovile, akhata, “Mtolage ikhinga vane yumwe khwa yumwe. ¹⁸ Ulwakhuva nikhuvavula, sanekhalye khavile unsabibu, impakha uludeva lwa Nguluve apialufikhe.” ¹⁹ Pwu akhatola akhivanda, akhisaya, akhameyula, akhavapa, akhanchova, “Ugu gwumbili gwago ugukhume nchiwe khulwimwe. Mgakhage vulevule mwumkhug'umbukha une.” ²⁰ Akhatova ikhiyelo vulevule wuvigonikhe akhata, “Ikhiywelo ikhi lwidekhano ulupya khukhisa

gwago, ukhududikhe khumbivi ncheyo. ²¹ Pwu mlolage. Ulauveikhumbuda pwale panienune pamesa. ²² Ulwakhava umwana va Ndavati iluta nduwa yasimbiwe. Pwu elolelageumunu uviukhugendela umwene umwana va Ndaveti ibudiwa!” ²³ Vakhategula ukhuvanchana vavo khwa vavo, veni pagati palwufwe aviimbomba ewo. ²⁴ Lukhahumila ulukhani pagati pavene ukhata veni uveyaivaimba imbakha khuvoni. ²⁵ Akhavavula, “Avakhuludeva va vanu avanyapanchi valinavakha khuvene, navala avanyamakha khukhyanya khuvene vikhuvatambula vavaha valoleli. ²⁶ Sayinogiwe lweli ukhuva ewo khulumwe. Pwu mwilekhelwe ula umbakha khulumwe ave ndu mwana udebe. Nulauvalutogo fincho aveduve ivomba. ²⁷ Pwu alikhu umbakha, ulauveitamapamesa, au ula uveivomba? Syulouveitama pamesa? Nayune neledula uveivomba pagati palyumwe. ²⁸ Umwemwemwe mwivapanie nune mumbukhuvilwa wangu. ²⁹ Nikhuvapa umwe uludeva, nduwuudada amile uneuludeva, Pwumulinchage nakhuywa khuludeva lwago. ³⁰ Mtamamfitamelo ifya ludeva wumukhuvahega ifivu mbukho khinchigo na vivile ifya vayaisivaeli. ³¹ Simioni, Simioni, ulumanya ukhuta, utavago adovile ukhuta avapete ndinganu. ³² Ulwakhuva nikhudovile, ulwedikho lwakho lulekhe ukhufwa. Apya ukhiliwikhe kavili uvakhaganchage, avalu khololo.” ³³ U Peteri akhambula, “Dada, nili tayari ukhuluta nunu khukhikugwanakhuvufwe.”

³⁴ U Yesu akhanda, “Nikhukhuvula, Peteri, ilikhogove salikhavike ilelo, wusumbelile mara khadatu ukhuta umayile.” ³⁵ Pwu U Yesu akhambula, “Navile nevakhelikhe umwe khinchila mpakho, ikhitundu ikhya finu, au ifilato, pwu mkhalemilwe khinu?” Vakhanda ate.” ³⁶ Akhavavula, “Lino, khilaunyapako, agutole ponie nekhitundu ikhyafi akula. Ulauvealivuvule emundu yenogile agunche ikhanjo ya mwene agule khimo. ³⁷ Ulwakhuva nikhuvavula, nchoni inchisimbiwe khuliune ipakha nchikwela, 'Atoliwe ndumunu uviadenyile indagilo; Ulwakhuva khila ikhyanchoviwe khulyone khikwelile.” ³⁸ Pwu akhanehove, Dada, lola! Pwunchile apa imundu ivele.” Pwuakhavavula “yekhwelile.” ³⁹ Wuvalile ikhyakhulya ikhyakhu kimihe, U Yesu akhahega, nduwu akhavombage imisekhe gwini, akhaluta khukyamba ikhya Mizeituni, vkhongi vakhakhonga. ⁴⁰ Vavilevafikhe, akhavavula, “Mdovage ukhuta mlekhe ukhwigela mudugelo.” ⁴¹ Akhaluta khuvutali navene ndu khulaha iliwe, akhafugama akhadova. ⁴² Akhata, “Dada, unasewinogwa ghe nchechenche ikhiywelo ikhi. Yelekhe ukhuva nduwuninogwa une, uvunogwe wakho vukhogiwage.” ⁴³ Avasug'wa ukhuhuma khukhyanya akhagihumila, akhampa amakha. ⁴⁴ Wualipakhutamwa, akhadova khunumbula yoni, nedwinga amavaha agakhisa galikhugwa pasi. ⁴⁵ Avileasisimwikhe ukhuhuma khukhwisaya, akaluta khuvakhogi, akhavona vagonelile ulwakheva vasusuvile,

⁴⁶ Akhavuncha, khikhi mugonelela? Sisimukha mudovage, ukhulamulekhe ukhwigila mudogelo.” ⁴⁷ Avile baduipinchova, lola, ikhipuga ikhivaha ikhya vanu khikha humila nu Yudaiskariote, ukhukogi va mwene akhava logoncha. Akhinja karibu nu Yesu ukhuta amwabasye, ⁴⁸ Pwu u Yesu akhambula, “Yuda, lweli vukhubuda umwana va Ndaveti nukhumwabasya?” ⁴⁹ Usikhi gulaavelepawipi nu Yesu vavile valolile ncho, vakhanchova, Dada, tuvegede ni mundu?” ⁵⁰ Pwu yumo akhantova umbombi va Ntwa, akhageda imbulukhutu iya khudio. ⁵¹ U Yesu akhanda, “Iyeyekhwelile. Akhabasya imbolukhutu yamwene akhaponia. ⁵² U Yesu akhanchova khuNtwa umbakha, nakhuvavaha vatembile, nakhuvadyakoni avainchile khiyume numwene. Pwu mwikhwincha ndavanu aviluluta khwilwa navalyasi, ninyambunda ni mundu? ⁵³ Upwanekhale numwe isinchuchooni mtembile, samkhavigha amavokho giyo khutwe khulione. Lin khavalilo khako, nuvuvaha uwakhisi.” ⁵⁴ Vakhamwibata, vakhandogoncha, vakhaghilikha khunyumba iya Ntwa umbaha. U Peteri alikhukonga khuvutali. ⁵⁵ Vavile vapulile umwoto musebule iyagati vakhatama panie, u Peteri akhatama pagati pavene. ⁵⁶ Umbombi yumo undala akhambona u Peteri u pwu atamile palumuli uluhumana nu mwoto, akhandola akhambula, “Uyu umunu akhalepaninie nave.” ⁵⁷ U Peteri akhabeva, akhata, “Vindala uve, unesanimajile.” ⁵⁸ Pwu akhasikhe khadebe, umunu uyuge

akhambona akhata, “Nayeve ulipaninie nave.” U Peteri akhanda, “Vigosi uve, une sionene.”
⁵⁹ Baada ya khavalino khamo ugosi yumo akhamumilicha akhata, “Lweli umunu uyu mwope akhale paninie nawe, ulwakhuva Ngalilo ya.”
⁶⁰ Pwu u Peteri akhanchova, “Vigosi uve, sanelemayile uliwunchova.” Avileinchova, ilikhogove likhavikha.
⁶¹ Akhasyetukha, Untwa akhandola U Peteri. Nu Peteri akha kumbukha ilimenyu lya Ntwa pala upwuambulile, “Wulikhale ukhuvikha ilikhogove vukhumbela une mara khadatu.”
⁶² Akhaluta khunji, u Peteri akhalila khukhisa lweli.
⁶³ Vala avagosi avandolelaga u Yesu, valikhukhinda nukhu ntova.
⁶⁴ Vakhagubekha amikho, vakhambuncha, vakhata, “Langula! Veni uveakhutovile?”
⁶⁵ Vakhanchova inogwa inyingi incho savombe u Yesu nukhumbeda umwene.
⁶⁶ Wavilevukhile panavusikhu, avangyakhoni vakhalundamana paninie, navavahavavatwa na vasimbi.
⁶⁷ Vakhaghilikha khubalasa, Vakhata, “Unane uve vevekreste utuvule.”
⁶⁸ Umwene akhavavula, “Ndani-vavula, samukhanyedeke, Ndanivavunche, samukhanyande.”
⁶⁹ Ukhutegulila lino nukhwendelela, umwana va Ndaveti iva atemile khukhivoko ikhyandyo ikhya Nguluve.”
⁷⁰ Voni vakhanchova, “Khwukhwuta uve ulemwana va Nguluve?” Pwu u Yesu akhavavula, umwe munchovile une nene.”
⁷¹ Vakhanchova, “Khekhi tupilonda uvusaidi? Ulwakhava nayofwe tupulikhe ukhuhuma mondomo gwa mwene.”

Undyango 23

¹ Ululundamano lwoli lukhima, vakhaghilikha u Yesu khwa Pilato. ² Vakhategula uuhumbeda, vakhaya, “Tumbwene munu uyo iyanche ikhilunga kyeto, wuibencha uuhuhumya isongo khutwa, pwu akhinchova umwene ukhuta vekreste, ukhurudeva.” ³ U Pilati akhambunchaakhata, “Uve veve khuludeva vavayuta?” U Yesu akhanda akhata, “Uve vevewichova iwo.” ⁴ U Pilati akhambula Untwa umbakha na vayalulunelano, ⁵ “Sanikhuyevona inongwa khu munu uyu.” Avene vakhagega vakhata, “Akhasogelenchaga avanu, alikhumanyisya khuvuyahudi khwoni, ukhutengulila khugalilea lino aliapa.” ⁶ U Pilati avileapulikke inchi, akhavuncha umunu uyuva khugalile? ⁷ Avilealumanyile ukhuta alepasi pavulongonchi wa Herode, namwope ale khu Yerusalemu khufigono vila. ⁸ Herode avile ambwene u Yesu, akhowikhe fincho ulwa uhava alondaga uuhumbona isikhu nyingi. Apolikhe inogwa ncha mwene alekhunogwa ukhulola ifichago ifivombukha nu mwene. ⁹ Herode akhambula u Yesu amamenyu amingi, u Yesu sakhanda khinu. ¹⁰ Avatwa avavakha paninie na vasimbi vakhima nuluvipo nukhughiga. ¹¹ U Herode paninie na vasikhali vamwene, vakhadukhila nukhumbelda, nu khufwekha imienda iminonu, pwavakha khilivula u Yesu khwa Pilati. ¹² Herode nu pilati vakhavavumanyani uuhuma isikhu ila, (khuwadilo valefitina). ¹³ U Pilati akhavalaga paninie avatwa avavakha na valogonchi

na vanu voni, ¹⁴ Akhavavula, “Mugegile umunu uyu ndu munu uveilogoncha avanu vavombage imbivi mulolage, wune mbunche khuvulogolo ukhuliumwe, saniyewene inogwa khumunu uyu khunogwa nchoni inchu umwe msitakhile umwene. ¹⁵ Akhabela, u Herode, akhiwile khuliufwe, lolaga khisikhuli khikhwoni akhiavombile ikhunogelanice itabu iya vufwe. ¹⁶ Pwu nikhug'ega nukhundakha. ¹⁷ Lulwakhuva u Pilati adendulile ukhugwa yumo khuvayahudi usikhe ukhwa lukhekhelo. ¹⁸ Voni vakhapwata, vakhata, “Mug'enche uywa, mutodendulile u Baraba!” ¹⁹ U Baraba akhugiwe khunogwa ncha mwene mumbunchege nukhuluda. ²⁰ U Pilati akhambula khavili, alikhunogwa ukhundekha u Yesu. ²¹ Avenevalikhupwata, valikhuta, “Abudiwage, abudiwage.” ²² Akhavavuncha ulwadamu, “Umunu uyu avombile vuvivivukhi? Saneyewene inongwa iyikhugegela ufwe umwene. Apyaniemalile ukhuntova nikhindikhesya.” ²³ Pwu valikhukhasya khulupwate uluvakha, valikhukhunogwa abudiwage. Amameyu gavenu galikhugiga u Pilati. ²⁴ Pwu u Pilati akhulamula ukhavapa uvunogwa wavo. ²⁵ Akhandekhesya ulauvivanogwagwa uveakhugiwe khunogwa iya mbivi nukhubuda. Pwu akhag'umya u Yesu khuvunogwe wavo. ²⁶ Valivelikhug'elekha, vakhamwibata umunu yumo alikhutambuliwa Simioni uvakhukirene, akhumilekhukhilunga, vakhatwekha ikhidamig'ania, au khukhoga u Yesu. ²⁷ Ululundamano lwa vanu, na vadala avavipele nuuhulila khwaajili ya mwene,

valikhukhonga. ²⁸ Pwu akhavasyetukhila, u Yesu akhavavula, "Mwivakhencha vamu Yerusalemu, mlekhe ukhudilila una, mwililelage yumwe navana vinyo. ²⁹ Lolaga, ifigonofi khwincha valata, "Vasayiwe avasavikhola na matumbu gagosaulilola, namavele ugasagosinche. ³⁰ Pwuvalafivulaga ifyamba, "Mtugwele, 'Nutwamba, 'Mtugubekhile.' ³¹ Vanavevivombo inogwa incho khubikhi umwigu, yiva ndakhekhi gugavekhuvumile?" ³² Avagosi vavili avage, avanangi vaveli, vagegiwa paninie vakhabudiwe. ³³ Vavilevafikhe apitambuliwa Fuvu lya twe, pwuvakhambuda paninie navala avatulanogwa, yumo khungyo nuyuge khuhege. ³⁴ U Yesu akhata, "Dada uvasyekhele, ulwakhuva savalumayile inchovivomba. "Avene vakhatova ekura, ukhugava emienda gwemwene. ³⁵ Avanu vaimile valikhulola avalogonchi vavo wuvikhubeda, vita, "Avapokhile avage, lino wipokha yuve, anave umwene ve Krete umwana va Nguluve, umbalanche." ³⁶ Avasikhali navope valikhubeda, vakhahegelela khumwene, nukhupa isiki, ³⁷ Valikhuta, "unave uve ulikhiludeva vavayuta wipokhe yove" ³⁸ khwale nuvusimbe pakyanya uwasimbiwe"UYU VE KHULUDEVA VAVAYULE."
³⁹ Utulanogwa yumo akhadukha akhata, "Uve siveve Krete? Wipokhe yove nafwe" ⁴⁰ Pwu uyugekhandanda akhandanda, akhadukha akhata, "Uve savukhudwada u Nguluve, nayuve ulimbukhegi vuvuwa? ⁴¹ Ufwe pwutuleapa khuvuyelweli, ulwakhuva ufwe tukhwambilila khila ikhinogelanile khumbomboncheto.

Umunu uyovombile ikhivivi.” ⁴² Akhogelenche, “Yesu, ugumbukhage apyawukhigela khuludwa lwakho.” ⁴³ U Yesu akhambula, “Wideghage nikhuuhuvula, ilelo iye wivapaninie nunu khuludeva.” ⁴⁴ Apogwale usikhi saa tisa, ikhisi yekhincha ikhiluga khyoni mpakha saa tisa, ⁴⁵ Ulumuli lwa linchuva lukhanchima. Pwu umwenda ugwamutembile gukha diefukha pagati ukhuhuma khukyanya. ⁴⁶ Akhalila fincho, u Yesu akhata, “Dada mmavokho gakho nikhuyevikha inumbula yago, “Avileachovile ewo akhafwa. ⁴⁷ Pwu u Akhida avileawenenchivombikhe ewo akhag'inia Unguluve akhata, “Lweli umunu uyu akhale golofu.” ⁴⁸ Ululundamano lwa vanu avainchila paninie kwilola vavilevalolile imbombo inchivombikhe, valikhuvuya vitova ififuvafyavene. ⁴⁹ Pwu avamanyani vamwene, navadala avakhogile ukhukhuma khugalitaya vaimilekhuvutali valikhulola imbombo incho. ⁵⁰ Lola, pale numunu alikhutambuliwa Yusufu, alepanie na vakhagi, umunu unonu ugolofu, ⁵¹ (Saidekhane nuvulamunchi wa mbombo nchavo), ukhukhuma, kukhu Arimathayo mumbunchege uwa vavayula, uwapulikhega uludeva lwa Nguluve. ⁵² Umunu uyu, akhahegelela khwa Pilati, akhadova umbili gwa Yesu. ⁵³ Akhamwisya, nukhubina numwenda akhambikha mumbuguli uwapunji wa iliwe, ilyoasikhuli umunuaviagelile ukhufyeliwa. ⁵⁴ Khyale khigono, khyakhutegulila Isabato wuyekhagelile. ⁵⁵ Avadala, avakhumile nave khutalilenya, valikhukonga, vakhalola

ilipumba numbile gwamwenu wuvagoninche. ⁵⁶ Vakhavuya nukhutegula ukhuboda, imono inonu, ikhigono ikhya sabato vakhagatolukha ukhukhoga indagilo.

Undyango 24

¹ Isikhu iya khwanja iya mulungu panavusikhu wukhilo, vakhincha khulipumba, vakhagega imono inchuvavikhile. ² Vakhavona iliwe libelwikhe khuvutali nelipumba. ³ Vakhigila mugati, savakhuvuna umbili ukhwa kuludeva u Yesu. ⁴ Ikhahumila ukhuta usikhi wuvancha ganyikhiwe khueli, nambivi, avanu vavili vakhima pagati pavene vafualile imienda ig'iga ragadekhaa. ⁵ Avadala vakhadega ulususuvalo vakhasulekha imifwe givo pasi, vakhavula avadala, “Khekhi mukhondonda uvianchukhile kufwe? ⁶ Asipali apa, anchukhile! mkumbukhe uwoachovile numwe wualikhu Galilaya, ⁷ Akhanchova ukhuta umwana va Ndaveti mpakha ahumenchiwe mumavokho gavatula nungwa nukhutefiwe, isikhu iyadatu, anchukhe khavili.” ⁸ Avadala valavakha khumbukhe amaneyu gamwene, ⁹ Vakhakhilivukha ukhuhuma khulipumba vakhavavula inogwa incho nchoni vala khinchigo nayumo paninie navagevoni. ¹⁰ Pwu uMaria Magadarene, Joana, Maria u mama va Yakhobo, navadala avage paninie vakhakhumiya udomo ugu khuvasukhiwa. ¹¹ Pwu amameyu agha khagha vonekha vudesi khuvasukhiwa, savakhavidekha avadala vala. ¹² U Peteli akhasisimukha, akhagilaukhuluta khulipumba,

alikhu hugila nukhulola mugati, akhayevona isandayene. Pwu u Peteli akhahega ukhuluta khu nyumba ya mwene, alikhudega khikhi kihumile. ¹³ Lola, vavili pakhati pavene valikhulutaikhigono khilakhila mumbunchege uvotambuliwa Emmau, khuyeilemaili sitini ukhuma khu Yerusalemu. ¹⁴ Valikhunchova vavokhwa vavo inogwa nchoni inchihumile. ¹⁵ Usekhe vavile vikhinchofancha nukhu vunchana amaswali, u Yesu akhahegelela pawipi akhalogonchana navo. ¹⁶ Amikho gavene gakhadendiwa ukhumanya umwene. ¹⁷ U Yesu akhavavula, “Khinu khikhi ikhyumwinchova umwe vavili mwu mugenda?” Vakhima pala vakhava na lususuvalo. ¹⁸ Yumu ilitawalyamwene vecleopa, akhanda, “Uve veve munu vimwe ne apa pa Yerusalemu yuwe supulikhe inogwa inchihumile khunu isku inchi?” ¹⁹ U Yesu akhavavula, “Nogwa nyikhi?” Vakhanda, “Inogwa incha Yesu Unazareti, uviakhale Nyamalago, unyamakha khumbombo na mameyu khumiho ga Nguluve na khuvan voni. ²⁰ Avatwa navalogonchi veto vakhaghu minche khuhegiwa uvufwe nu khu budiwa. ²¹ Tulikhuhuvila ukhuta umwene veikhuvavikha mumbolegefu avaya Israeli. Paninie ninchi nchoni, ilelo khigano khyadatu ukhuhuma imbombo inchi nchivombekha. ²² Pwu vaninie avadala ukhuhuma khukhipuga khyeto vakhatudwaanchinehe, wuvalutile panavusikhu khulipumba. ²³ Swaguwene umbili gwa mwene, vinaile vinchova ukhuta vakha lolile avasug'wa avakhakha nchovile ukhuta

anchukhile mwumi. ²⁴ Avagosiavage avakhalale paninie nufwe vakhalutile kulipumba, vanchiwene nduwuvakha nchovile avadala. Savakhambone umwene.” ²⁵ U Yesu akhavavula, “umwe mwavanu vapelwa mleninumbula inchifu inchakhulekha ukhwidikha nchoni unchovachovile avayamalago! ²⁶ Sayalelveli u Yesu ukhutesiwa khunogwa incho, nukhwigila kuludeva kwa mwene?” ²⁷ Ukhutegulila khwa Mose na vasug'wa voni, u Yesu akhavavula imbombo inchamwene inchilembufimbe woni. ²⁸ Vavile vakhegelile mumbunchege vula, valikhuluta u Yesu akhava inogwa ukhwendelela khuvulugolo. ²⁹ Vakhamwumilencha, vakhata, “Lama paninie nufwe, ilwakhuva lino wilile nesikhu yesilile.”Pwu u Yesu akhigila khutama navo. ³⁰ Yakhumile ukhuta, avile atamile navo pakhulya, akhatola ikhivanda akhakhisaya, nukhumenyula, akhavapa. ³¹ Pwu amikho gavene gakhadenduliwa vakhamanye, akhayaganikha nambivi khumikho gavene. ³² Vakhavunchena vavo khwa vavo, “Ulu inumbula ncheta sanchikhavikhe mugati ndufwe, usekhe wuinchova nufwe munjila, wuikhutundindulila uvusimbe?” ³³ Vakhema usikhe gugwa, nukhukhilivukha khu Yerusalemu. Vakhavavona vala khinchigo nayumo valundamine paninie, navalaavale paninie navo, ³⁴ Vakhata, Untwa anchukhile lveli lveli, agumile u Simoni.” ³⁵ Pwuvakhavavula imbombo inchihumile munchele, nuwu u Yesu avonikhe khuvene khuvene pakhumeyule inchivanda. ³⁶ Wuvinchova inogwa incho, u Yesu

yuywa akhema pagati pavene, akhavavula, “uluhungu luve numwe.”³⁷ Vakhadwada lukhadega ulutende, vali khusaga ukhuta vayewene inumbula.³⁸ U Yesu akhavavula, khekhi msikhitikha? Khekhi amameyu gilihuma munumbula ncheyo?³⁹ Mlolage amavokho gago namalunde gago, ukhuta neneyune. Muyilate mlole. Ulwakhwa inimbula yenchila nyamana manchege, nduwumwilola une nilinafyo.”⁴⁰ Avileamale akhunchova, ewo, akhavavonesya amavokho gamwene namalunde gamwene.⁴¹ Vavilebadu vakhowike nukhulekha ukhwidikha, nukhuswiga, u Yesu akhavavula, “Mulinakhyo akhyakula?”⁴² Vakhampaekhemegu khyasomba iyuvanyanyile.⁴³ U Yesu akhatola nukhula khuvulogolo uhuvene.⁴⁴ Akhavavula, “Upwunekhale numwe, nikhavavulile ukhuta nchoni inchisi mbiwe khudagilo invha Mose navanyamalago ne Zaburi impakha nchi khwela nile.”⁴⁵ Pwu akhadendula igala nchova, ukhuta vavumaye uvusimbe.⁴⁶ Akhavavula, “Ukhuta yesimbiwe, u Krete mpakha atesekhe, nukhunchukha ukhuhuma kuvufwe ikhigono ikhya datu.⁴⁷ Ukhupela nukhusyekheliwa imbivi impakha nchilumbeliliwe khulitawa lya mwene khuviluga fyoni, ukhuma khu Yerusalemu.⁴⁸ Numwe mlivamasaidi va nogwa inchi.⁴⁹ Mlolage, nikhuvahelekhela ululegilo lwa Dada vago khukyanya khulimwe. Pwu mpulikhele bahapa mumbunchega mpakha apyamvikhava amakha ukhuhuma khukyanya.⁵⁰ Pwu u Yesu akhavalogoncha

ichunji impakha vavilevafikhe khu Bethania. Akhinula amavokho gamwe khu khyanya, akhavasaya. ⁵¹ Ikhahumila avile ikhuvasaya, akhava lekha akhapimbiwa ukhuluta khukhya ⁵² Pwu vakhamindekha, nukhuvuya khu Yerusalemu vahowikhe. ⁵³ Valikhupitama mtembile wuvikhudova Unguluve.

Mahanji Bible
The New Testament in the Mahanji dialect of the
Kinga language of Tanzania

copyright © 2020 Door 43 International Mission Community

Language: Mahanji (Kinga)

Translation by: Door 43 International Mission Community

Contributor: Mahanji TZ, Malila, Ndali, Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-09-02

PDF generated using Haiola and XeLaTeX on 22 Feb 2024 from source files dated 31 Aug 2023

90b863ef-c5fe-5634-9533-e1e4c28371dd